

مکتبہ کاغذ پورہ دار

۴۵۱۸۸۴

أبناء العم وسام



رواية
عادل القنصل

أبناء العمر وسام

الجزء الرابع

المكحول والسناكيت

كان عليهم أن ينتظروا أربعة وعشرون ساعة حتى يبلغوا عن غياب الأم..مرت وكأفا دهرًا من الزمن..كلهم ظنوا أن سوءًا قد حدث لها..هل تكون قد انتحرت بعد حالة الاكتئاب التي اعترتها في الفترة الأخيرة؟!..هل تكون قد ذهبت إلى الزقازيق لتقيم في البيت الذي لم يحسم أمره بعد؟!!

سافر "فريد" إلى الزقازيق لكنه لم يجدها..عاد وتوجه مع أخويه وابن عمه "بسام" للإبلاغ رسميًا عن غيابها.

مرت أربع وعشرون ساعة أخرى ولم يستدل عليها فافطارت ابنتها "وسام"..وراحت تلقي بالتهم عليهم بإهمالهم لها وقالت:-

● انتم كلكم أنانيين..ماحدث بيفكر إلا في نفسه..بقي ده جزاها بعد ما خلتيكم رجالة واقفين على رجلكم.

التزموا الصمت وأطرقوا.. وساد السكون بيت "فريد" حتى قطعه
رنين التليفون المستمر فعرفوا أنه من خارج القاهرة فرفعت السماعة
في لهفة.. فجاء صوته عبر التليفون.. صوت ألفته ولكنها لم
تذكره.. عرفها بنفسه قائلاً:-

● أنا كمال.. زميلك في مدرسة آمون وجارك في
بورسعيد.

ساد الوجوم وجهها وأخوفها يسألونها عن المتحدث في لهفة ثم عادت
إلى المتحدث مرة أخرى الذي قال:-

● أكيد نسيتني.. لكن أنا احب أطمئك أن ماما عندنا.

● عندكم فين.

● في بورسعيد.

صرخت في فرحة وقالت:-

● ولقينا ماما.. ماما في بورسعيد.

تنفس الثلاثة الصعداء ثم قالت "وسام":-

● أنا هاكون عندكم في بورسعيد بعد ساعتين تلاثة.

قال لها مؤكداً:-

● وما تتعيش نفسك يا وسام.. أنا باكلمك عشان أقولك إن

أنا اللي في الطريق بس يا ريت تديني العنوان بالظبط

عشان..عشان ماما مش فاكراه.

تسلل القلق إلى نفسها وارتعش جسدها وصوتها وقالت متسائلة:-

ليه جراها ايه.

ماما بخير يا وسام..لما أجي إن شاء الله هافهمك كل

حاجة.

وضعت السماعة في حالة ذهول وراحت تفكر فيما فعلته أمها

وقالت لأخواتها:-

ماما راحت بورسعيد..عارفين ليه..عشان حاسة بغربة

وسطينا..وسط ولادها.



بعد ساعات..وصل "كمال" وترافقه الأم التي ما أن رأتهم ظلت

تبكي بحرقة مما أذهلهم جميعا فاصطحبتها "وسام" إلى غرفتها بعد أن

صافحت "كمال" ثم عادت وقابلته بترحاب بالغ وسرعان ما عادت

القلوب تدق على نسمات ماض جميل لم يطل.

انطلق الأخوة الثلاثة إلى حجرة أمهم يقبلون يديها وقدميها..طالبين

<٥>

رضاهما بينما جلست "وسام" مع "كمال" ..عرفت منه أنه عين في
الترسانة البحرية وأن أمه توفيت بعد أبيه وأنه يعيش وحده في نفس
الفيلا

قال لها مازحاً:-

● أنا باقرا المجلة اللي انتي بتكتبي فيها ..وعرفت إن انت
وسام وسام ..لما كنتي بتحكي لي وأنا في الإعدادي عن
العم وسام ..الأب الروحي لعيلتكم.
نظرت إليه مدققة ثم قالت في جرائها المعتادة:-
● وانت بقيت شاب وسيم زي ما توقعت.
● وانتي بقيتي ...

ثم صمت لحظة فضحكت من قلبها وقالت:-
● وانت لسة بتتكسف.

ظل صامتا ثم قال:-

● أنا كنت بافكر فيكي طول المدة اللي فاتت وباتمنى إن
بورسعيد بسماها الجميلة تجمعنا من تاني.
شعرت بارتباك شديد وقالت:-
● بسرعة كدة.

● أنا حاسس ان مامتك جتلي نجدة من السماء..عشان
تقرب القلوب اللي اتباعدت.

خرج "فريد" من حجرة أمه ونظر إليهما وابتسم وقد شعر بأن
القلوب مازالت متعلقة ببعضها دائما يتمنى أن تتزوج بـرجل تقتنع به
لشخصيتها القوية وحتى يزاح كابوس الخوف عليها فتكون مسئولة
من رجل..ثم توجه إلى التليفون وأدار القرص وطلب الحاتي لإرسال
عشاء لهم جميعا وقد سمع "كمال" فنهض وقال:-
● استأذن أنا عشان ألحق أرجع بورسعيد.


نظر إليه نظرة ذات مغزى وقال:-

● لحقت تزهق مننا..يا سيدي اتعشى معانا وأنا هاجي
أوصلك أنا وسمير لحد محطة البيجو..بس يا ترى
هنشوفك تاني.

قال في تلقائية وتأكيد:-

● أكيد..ده انتم أكثر من أهلي.

ثم نظر إلى "وسام" وابتسم.



ظلت الأم منعزلة في حجرها لا تحدث أحد.. وتحاول "وسام" جرّها
إلى أحاديث لكنّا لم تجاريها فيها.. حتى ذكرت اسم "كمال" فبدأت
تصفى إليها.. قالت لها أنه صرح لها أنه يريد الاقتران بها فبدت
الفرحة على

وجهها وتضائل الاصفرار الذي اعتلاه ورددت فيها الدموية وقالت
بصوت متحشرج:-

يا ريت يا وسام.. هتعيشي في أجمل بلد في الدنيا؟؟ أيام يا
ريتها تعود.. كانت وحشاني وغصب عني رجليا
جرجرتني ليها.

ضحكت "وسام" من قلبها وقالت لأُمها متسائلة:-

وايه اللي قومها في دماغك.. وازاي سافرتي ووصلتي
للييت.

الفكرة بقاها مدة في دماغي يا بنتي وكأن شيء سحرتني
وجرجرتني لحد محطة القطر.. ركبت تاكسي واطمنت إن
معايا فلوس توديني وما فكرتش أرجع تاني.

قالت لها معاتبة:-

● ياه..للدرجة دي اتضايقتي مننا يا ماما..ده إحنا أربعة

مالين حياتك.

● اسكتي اسكتي وخليها في شرك..كل واحد ملهي في

حاله..هي الدنيا كدة وأنا مستحيلة لحد ما ربنا يفتكرني

● بعد الشر عليكى يا أمي.

● الشر يا بنتي لو ما وافقتيش على العرض اللي عرضه

عليكى كمال.

● ربنا يعمل اللي فيه الخير.

وسرعان ما سمعت صوت جرس التليفون فانطلقت ناحيته سريعا

وقلبها يحدثها أنه هو..فكان ما توقعته..كانت في شوق بالغ لسماع

صوته الدافئ..ظلا يتحدثنا أكثر من ساعة جدد فيها عرضه للاقتراح

بها..كانت مترددة فهي تحب عملها فكيف تضحي به وتبتعد عن

أضواء الشهرة الصحفية..فعرض عليها أن يلحقها للعمل معه بالهيئة

بالعلاقات العامة وممارسة هوايتها الصحفية في إحدى الصحف المحلية

بيورسعيد فسررها كلامه وانتظرت تقدمه لخطبتها.



جلسة عاصفة أخرى بين "همام" و"سمير" و"بسام".. تم تصفية الشركة وأخذ كل منهما نصيبه المالي في الشركة وتعهد أمام "منير" الذي كان يحرق العقود القانونية بأن كل منهما سيأخذ نصيبه من الفيلا وبيت الزقازيق بعد تقييمهما.

كان "فريد" جالسا كضيف شرف وقلبه يتزف دما وتحجرت السمرة في مقلتيه على هذه الأسرة التي كان يجمعها رباط وثيق حسدهم الناس عليه.. لكن ما يصبره أن أخوه وابن عمه ينتقلا إلى الزقازيق مرة أخرى حتى لا ينقطع من جذوره.

اغرورقت عيني "همام" بالدموع وقال بصوت مخنوق:-

● أنا عملت اللي يريحكم واللي يرضيكم.. عشان إحنا

ولاد أصول وباريت الأخوة اللي بني وبينك يا بسام

انت وأختك نجاح ما تتأثرش.. الفلوس بتروح وتيجي.

تأثر "سمير" و"بسام" لكلامه والتزما الصمت.. ورمى "فريد" نفسه في

حوضن "همام" وظل يبكي وقال بصوت متحشرج:-


● العيلة بتاعتنا جمعها مبدأ.. والمبدأ يصد المال ويوقفه عند

حده وأنا عندي أمل ربنا يلم الشمل من جديد.



في ظل تلك الزوبعة..تقدم "كمال" للزواج من "وسام"..قدم كل تسهيلات لإتمام الزواج على وجه السرعة..ترددت "وسام" في بادئ الأمر فقراره السريع أفقدها توازنها لكن الجميع يرحبون بهذا الزواج وكأفهم يريدون التخلص من عبثها..كان شرطها أن تصطحب أمها لتقيم معها فوافق "كمال" على الفور وقرر أن ذلك الأمر سيسعده. في حفل بهيج في منزل "سمير" و"بسام" الجديد..تم عقد القران والزفاف..حضر "همام" و"منير" دون زوجتيهما ورافقوا العروس بسياراتهما حتى بورسعيد وعادوا جميعا فجرا.

ظلت "وسام" تنظر إلى البيت المطابق في شكله الهندسي من الداخل والخارج للبيت الذي كانت تقيم فيه مع أبيها وأمها..استرجعت شريط الذكريات من الطفولة والصبا حتى مغادرتهم للمدينة..كانت سعيدة أن يكون امتداد حياتها في المدينة التي تربت فيها.




استقرت "وسام" ابنة "سمير" في القاهرة مع زوجها مما أحزن أمها التي استقرت في الزقازيق في بيتهم الجديد وكان "بسام" سعيدا بابنه الصغير نشأت وحول "زينات" من كلية طب القاهرة إلى كلية طب الزقازيق لتكمل تعليمها.

"محسن" ابن "ضحى" أصبح مشرفا على محلات "همام" ومعه زوج "أميمة" وترك لهما "همام" الحبل على الغارب وعاد يمارس هوايته التي فرضتها عليه زوجته "ضحى" من رحلات إلى المصايف والمشاتي.. تشمره دائما أنهما مازالا زوجين في شهر العسل مما أثار زوجة "منير" كانت تتمنى أن تزج بابنها "وسام" في تلك الشركة فهي على يقين أن شهادته ليس لها مستقبلا.. وزجها "منير" لم يتقدم خطوة واحدة إلى الأمام فهو مجرد المستشار القانوني لـ "همام".

"فريد" عاد ليعيش بمفرده في شقته التي بدت موحشة.. بعد أن خلت من أنفاس أمه وأخته "وسام".. فعادته حالة الاكتئاب والشعور بالوحدة في سن خطيرة يحتاج فيها إلى أصوات تناجيه و أنفاس

تشاركه الحياة وأمل يعيش من أجله..الأمر الذي يهون عليه هو
زيارة "وسام" ابنة اخيه "سمير" وزوجها على فترات متقطعة.. كان
يقول:-

الساعة ما عادتش بتبين الزمن الحقيقي..وساعة أيدي
اللي أخذتها من عمي وسام..أتوقف الزمن فيها عند كل
شيء جميل..لكنه اختفى مع ناس زمانه..يا ترى يا
عقارب ياللي بتلغي بانتظام محبة وزاكي إيه تاني بعد ما
بقيت في وادي واخواتي وولاد عمي في وادي تاني.



زوجة "منير" كانت تود أن تختلي به وما أن واتها الفرصة بدأت
تلمح له بأن يجعل "منير" كشريك له..وناولته مبلغا من المال قد
اقتطعته ووضعت بين أسنانها..فرحب قائلاً:-

إنني هتوصيني على ابن عمي..ده هو صاحب المصلحة
كلها وشايف شئونها القانونية..ده أنا ما اقدرش اتصرف
أي تصرف إلا لما أرجع له..آه..راجل قانون وفاهم.

ثم رد إليها القلوس وأخبرها أنه سيدبر ذلك الأمر بعد أن يعيد باقي
المبالغ المستحقة إلى أخيه "بسام" وابن عمه "سمير".
لاحظت "ضحى" ذلك فسألته وما أن أخبرها بتلقائيه المعتادة فوجئ
بها تقول:-

شوف يا حبيبي..منير على عيني وراسي من فوق..لكن
أنا ما صدقت إن الشركة بقت بيبي وبينك بس ما
ينفعش حد يخش بينا..لا في شغلنا ولا حياتنا الشخصية.




مع أول دوران لما كينة الخراطة..قفز قلبيهما من الفرحة..كل منهما
ينظر إلى الآخر ويقول:-

سامع يا بسام.

سامع يا سمير..صوت اتحرمنا من سماعه سنين..صوت
المكن..حثة الحديد الصامته تطلع من المخروطة كأنها
بترقص بعد ما تتحول لمسمار أو شريحة تتحط في ماتور
عربية..لكن الزمن سرقنا.

سنةما جعل حركتهما بطيئة رغم حماسهما.. طاقة الجسد لا تساعدنا
على العمل طوال اليوم كسابق عهدنا.. فكرا في أن يلحقا عامل أو
اثنين للعمل بالورشة فتحدثا مع شيخ البلدة للبحث عن عامل من
نفس القرية.. فأحضر لهما العشرات.. فتعجبا حينما علما أن معظمهم
بكالوريوس هندسة.. يريدون العمل كعمال بأي مقابل في وقت بدأت
البطالة تزحف على كل قرى مصر ومدنها.. هل هذه نهاية التعليم
الذي باعوا من أجله الغالي والشمين.. منهم من باع قيراطا أو اثنين أو
استدان من الغير.

ألحقوا عددا منهم مما زاد من إنتاجية الورشة وجعلها على مقربة من
تحقيق حلم كان بعيدا.



يذهب إلى العمل صباحا و يعود ليلا.. يغط في نوم عميق.. تنتظر حتى
يستيقظ في الساعة مساء.. يخرج ليعمل ليلا في شركة قطاع
خاص.. يفعل ذلك في سرية فعرف العاملين في الهيئة ألا يلتحقوا بعمل
آخر حتى لو كان في وقت الفراغ.. تحاول أن تذكره بما وعدنا به

فيقول لها:-

يا وسام يا حبيبي.. انتي ناقصك حاجة؟.. إيه لازمة
الشغل.. إنتي شايفة اني ليل نهار باشتغل.. هتبقى انتي
كمان.. ده غير انك حامل ولازم تحافظي على اللي في
بطنك.

خلاص يا سيدي.. بلاش الوظيفة اللي انت وعدتني بيها
في الهيئة.. شغلني في أي جرنال أو مجلة محلية برضة زي
ما وعدتني.

قال وهو يتلعثم:-

انشاء الله.. كل شيء بأوانه.. أنا خارج ويمكن أتأخر.
ظلت تتابعه بنظراتها حتى خرج من البيت فلامتها أمها قائلة:-
يا اخوتي انتي عاوزة تتمرمطي.. الراجل مش ناقصه
حاجة في بيته.. شغال زي الطور في الساقية عشان ما
يقصرش معاكي

يعني انتي كنتي سامعة يا أمي.

غصب عني يا بنتي.. أنا مش عاوزة الشيطان يدخل

بينكم..الست مالهش غير جوزها وبيتها.

قالت في غضب وثورة:-

● لا مش أنا يا أمي..أنا درست وبقي ليا تجارب في

الحياة..لا يمكن أكون صورة منك.

● الله يسامحك يا بنتي.

● أنا أسفة يا أمي..بس..أصل....


● لا بس ولا أصل..أصل انتي دماغك ناشفة زي أخوكي

فريد..يا بنتي البلد دي ريمحها خفيف وما عدتش أقدر

أسيبها..قلبي متعلق بيها ونفسي لما أموت اتدفن فيها.

ظلت تنظر إلى أمها في اعتراض وظلت تنفخ وتنقل بين أروقة البيت

الذي أصبح سجنا للعصفور الجميل.



قام من نومه مفزوعا على أثر حلم مما أفرع "ضحى" التي لامته

قائلة:-

● معقول يا همام..كل يوم بانام بالعافية من شخيرك

والليلة دي تقعد تصرخ وتزعق.

فمض وتناول زجاجة مياه من الشلاجة وشرب منها بشراهة ثم بلل
يديه بالماء ومسح وجهه وقال:-

● اللهم اجعله خير.. أنا كنت باحلم.. لأ أنا كنت في
كابوس.

● ما هو باين.. عشان كدة عمال تقول ابعدني النار عني يا
أما.

صمت وظل مذهولاً.. ثم سألها في تلقائية:-

● هو رمضان امق يا ضحى.

● رمضان.. لسة بدري إحنا في نص رجب.

ظل يبكي ويتذكر أيام رمضان التي كانت تضمه مع أسرته.. تمنى لو
تعود تلك الأيام ولكن كيف يعرض عليهم هذا الأمر.. البيت مازال
قائماً في الزقازيق.. ثم تراجع في نفسه فقد يُقابل عرضه بالرفض عند
اخوته.. ثم ارتدى ملابسه في عجلة ونظرت "ضحى" إليه في ذهول
وقالت:-

● على فين يا همام الساعة دي.. إحنا الفجر.

لم يجيبها واستمر في ارتداء ملابسه.. ثم خرج من حجراته يهرول على
السلم الداخلي وخرج من الفيلا وركب سيارته وانطلق ناحية

مسجد الحسين وقد لحق بالمصلين في الركعة الثانية من صلاة الفجر
وما أن فرغ من الصلاة جلس في ركن من المسجد والدموع تتساقط
من عينيه ثم خرج من المسجد بلا وجهة معينة.. حتى وجد نفسه أمام
بيت "فريد".

صعد السلم وضغط زر الجرس وانتظر لحظة ثم عاود ضغط الزر مرة
أخرى.. فتحت "فريد" وهو يفرك عيناه.. أصابه القلق عندما رآه
وقال:-

خير يا همام في حاجة حصلت.

دخل "همام" وألقى نفسه على أول مقعد.. أغلق "فريد" الباب وظل
ينظر إليه مندهشاً فنظر إليه "همام" وهو مكفهر الوجه وقال:-

خير يا فريد.. ما فيش حاجة حصلت.. أنا لسه ما
فطرتش.

انطلق "فريد" إلى السلاجة وأخرج بعض الجبن والحلوى والمربي
ووضعهم على السفر وقال:-

أنا هادخل أعلق على الشاي وهأفوقلك.

والله.. من زمان ما سمعتش كلمة هأعلق على
الشاي.. كلمة أمي الله يرحمه.. بس انتي ليه عملتي كدة

فيا يا أمي.

نظر إليه "فريد" مندهشا ثم توجه ناحية المطبخ بينما "همام ظل ينظر إلى البيت الصغير البسيط وقال في نفسه" يا سلام يا فريد يا ابن عمي..أنا باحسدك على عيشتك..مش حامل هم لا مكسب ولا خسارة..ولا بيع ولا شرا..لقمتمك على قد بطنك وشغلك بمزاج ولا تقلق من زوجة ولا عيل"

عاد "فريد" ومعه الشاي ووضعها على المنضدة وفي يده الأخرى الخبز..دعاه إلى السفرة فقام "همام" متاثقا وجلس إلى السفرة وبدأ يأكل بنهم ويقول:-

الله..لقمة ولاد وسام بتاعة زمان..لقمتمك لسة نضيفة يا فريد.

بالهنا والشفاء..انت ما قولتليش إيه اللي مصحيك بدري كدة وايه سر الزيارة المفاجأة دي..ده انت وقعت قلبي يا أخي.

انت يا فريد..دونا عن ولاد عمي وعن أخواني أكثر الناس القريين لقلبي..أنا جيتلك عشان..عشان....
عشان إيه يا همام.

لو قولتلك هتضحك عليا

فشر يا ابن عمي.

شوف يا سيدي.. أنا حلمت حلم.. كنت عاوز الأستاذ

اللي بيفسر الأحلام عندكم في الجرنان يفسرهولي.

ظل يضحك وقال:-

انت بتصدق الحاجات دي.. أنا ساعات باحل محله في

العملية دي.

خلاص فسرلي الحلم.

قول يا سيدي.

إحنا كنا قاعدين في بيتنا القديم في الزقازيق وبنفطر كلنا

فوق السطوح ومعانا أمي وأخويا تمام وأختي

صباح.. وشوية وأمي قامت دلقت الأكل وهو سخن

على دماغى.. فقعدت أصرخ وبعدين لقيت تمام وصباح

بيجرجروني من رجلي ورفعوني فوق سور السطوح

ورموني في خرابة المعلم رمضان اللي كانت ورا بيتنا.

صمت "فريد" وتغيرت ملامح وجهه وقال:-

طالبين منك زيارة وصدقة على أرواحهم وكمان....

● كمان إيه يا فريد.

أطرق قليلاً ثم قال:-

● باين عليهم زعلانين من اللي حصل بين الأخوات..زي

ما حصل بين العراق والكويت.

● صحيح احنا هنبعت قوات من مصر.

● أيسوة عرب ومسلمين هيرجعوا أرض عرب ومسلمين

استولى عليها برضة عرب ومسلمين.

فخص "همام" بعد تناول الإفطار وقال له في حماس:-

● بينا على الزقازيق نزور قبر أمي وأختي واخويا.

● عشر دقائق أغير هدومي وأجي معاك.



حررت أرض عربية اغتصبها عرب..وكانت حرباً بها طرف ثالث من
العرب أيضاً..من السعودية والخليج ومصر..كانت زهرة ملطخة
بالدماء لإعادة القومية العربية..لم يعترف المعتدي باعتدائه ولم يكن
شيء غير فاتحة خطيرة لدخول الأجانب الأراضي العربية بعد نسياننا
ذلك.


مات من مات.. من المحتل والمحتلين والمدافعين.. هل هم شهداء؟!.. عاد
الكثيرون معوقون بعد الانتهاء من مهمة الدفاع وتصحيح الأوضاع
وإعادتها لما كانت عليه.

عادت الكويت محررة من محتل عربي مسلم ولكن الأجنبي بقي بها
بمحجة الدفاع عنها إذا ما تكررت المحاولة.. وعادت الجيوش العربية
كل منها إلى وطنه.. وصمة في تاريخ العروبة لن تنسى مهما مر
الزمان.

هذه سطور كتبها "فريد" وعرضها على رئيس التحرير فلم يوافق
على نشرها وقال:-

وما تزعلش يا فريد.. الموضوع مش مرفوض عشان حلو
أو وحش.. لكن خليك في الخط اللي انت ماشي فيه
واللي انت بتحبه اللي هو الفن.

لم يغضب "فريد" لأنه فرغ الشحنة من داخله بعد أن كادت تقتله.



"زينات" تسافر من الزقازيق يومياً في القطار حتى كليتها في
القاهرة.. تجد "وسام" في انتظارها بمحطة باب الحديد.. يستقلان سوياً

"تاكسي" حتى كليتها ثم يتوجه إلى كليته..وعدها أن هذه السنة الأخيرة له في الكلية وأنه على يقين أنه سيتخرج هذا العام من أجلها فقط..كانت نظرها له في بادئ الأمر لا تتعدى الإعجاب..لكنها الآن أصبحت حبا من طرفين..كل ما يحشاه هو كيف سيواجه أمه بعد تخرجه حينما يعلن رغبته في الاقتراح بها وهي تتعشم أن يلتحق بشركة "همام"..تريد أن تزرعه فيها كما زرعت أختها ابنها "محسن" الذي أصبح يتصرف في أمور الشركة بتوجيه من أمه و"همام" لا يعارض ذلك فهو راضٍ عن زوجته "ضحى" بالرغم من عدم رضاه أحيانا عن تصرفاتها ولكن تعلقه بها يجعله يقبل أي شيء منها.



جاء رمضان هذا العام حزينا على الجميع..كلهم في شوق للتجمع في منزل الأسرة الذي أصبح كالأطلال ومطمع لكل أهل الشارع. "فريد" حزن لبعده أمه وأخته عنه..لم يكن يدرك أن وجودهما معه في شقته كان يشع ذلك الدفء الذي افتقده..دعته "وسام" ابنة أخيه "سمير" لقضاء أول أيام رمضان معها هي وزوجها..انهمرت الدموع من مقلتيه رغما عنه مما أثر في "وسام" وزوجها فهي تعرف أن

رمضان كان دائما موعد التقاء الأسرة.

"همام" هون عليه وجود "منير" وزوجته و"أميمة" وزوجها.. لاحظت زوجته "ضحى" عليه الاكفهار دائما فعرضت عليه أن تقضي أول أيام رمضان في بيتهم في الزقازيق فنظر إليها وقد بدا تائها وقال في نفسه "مع مين وإزاي.. عاوزنا نرجع زمان.. قول للزمان ارجع يا زمان.. وعمره ما هيرجع تاني".. فكر أن يكون ذلك الشهر صلحا مع أخيه "بسام" وابن عمه "سمير" ليقضونه في بيت العائلة لكنه خشي أن يضعوه في موقف حرج.. تأكد أنه كلما مر الزمان تفتلت أشياء عزيزة من بين يدي الإنسان.

"بسام" و"سمير" أحسا بطعم جميل وجديد لرمضان هذا العام في بيتهما الجديد وورشتهما التي بدأت تأخذ سيطراً على مستوى المحافظة والمحافظات المجاورة ولكنهما لم ينكرا فقدانهما لمشاعر الدفء الأسري الذي كان يجمع الأسرة بجميع أفرادها.. كانت "وسام" ابنة سمير ونجاح" تقضي معهم يوماً كل أسبوع في رمضان.. تسعد الأم بملقاتها ولكن قلقها يزيد من عدم إنجازها حتى الآن.

سافر "فريد" في اليوم الثالث إلى بورسعيد ليقضي يوماً مع أمه وأخته.. كانوا جميعاً سعداء بقدومه واستقبلوه بحفاوة بالغة.. وكان

"فريد" سعيدا بحمل أخته التي أصبحت على وشك الولادة.
في اليوم التالي دعاهم جميعا للإفطار خارج البيت.. ذهبوا لتناول وجبة
كساب أسعدت "وسام" أخته.. ثم توجهوا إلى القرية الرمضانية وقد
بنى لها ديكورا أشبه بشارع الحميدي.. أحد رموز شهر رمضان سواء
قبل المنطقة الحرة وبعدها.

في اليوم الثالث ظل يتجول في المدينة الجميلة وشاهد الأبراج
الشاهقة التي أصبحت سمة المدينة ثم توجه إلى محل حلويات لشراء
حلويات رمضان من قطائف وكنافة محشوة بالجبن الأبيض الحلو.. لم
يأكلها في أي مكان ثم جاء قبل الإفطار بساعة حتى لحق بالمعدية وظل
ينتظر إلى السحب التي تنعكس على مياه قناة السويس.. مشهد
فريد.. جعله يكتب قصيدة شعرية عن بورفؤاد أو المعدية ورمضان في
بورسعيد الذي يتميز عن أي بلد آخر.

تناول الإفطار معهم ثم سافر في قطار الساعة السابعة ونصف بعد
الإفطار عائدا إلى القاهرة وظل يتذكر الذكريات الجميلة في الأيام
الثلاثة التي عوضته عن رمضان الذي افتقد مظاهره في الرقازيق بلده
الحبيب.




"همام" ما أن مر الأسبوع الأول من رمضان إلا وشعر بالعزلة.. وأصابته حاة اكتئاب فظل يطارده حلم أمه وأخيه وأخته وظل يتردد على "فريد" يتناول معه الإفطار وحدهما في بيت "فريد" أو في أحد المطاعم الشعبية بحي الحسين.. نصحه "فريد" أن يقوم برحلة إلى الأراضي المقدسة ليقوم بأداء عمرة رمضان له ولأمه فلم يتردد "همام" وألح على "فريد" أن يصطحبه معه فلم يتردد هو الآخر وسافرا في العشر الأواخر من رمضان.

في الحرم يركي فمارا وليلا ويتوسل إلى الله أن يغفر له ذنوبه وأن ترضى عنه أمه.. قام "فريد" هو الآخر بعمل عمرة لعمه "وسام" واستعدا للعودة أول أيام العيد.

في أثناء مروره بالأسواق لشراء هدايا للأهل.. لفت نظره "الريسفير" الخاص بـ "اللش".. سأل عنه وعرف أن ثمنه غال للغاية.. أخبره "فريد" أنه موجود بالقاهرة ولكنه محدود للغاية.. تذكر أنه كان يرى الأطباق الكبيرة أعلى أسطح الأبراج الضخمة في الأحياء الراقية فكان الطبق آنذاك يبلغ قطره ثلاثة أمتار.. اشترى "الريسفير" وقرر

أن يشتري الطبق من القاهرة وعادا ووزعا كل منهما الهدايا على
الأقارب والأصدقاء.



همرت "ضحى" هذا الاختراع العجيب الذي لم ينتشر بعد.. اشترى
طبقا وتم تشغيل الجهاز بنظام "أنالوج" بواسطة مهندس متخصص في
الالكترونيات.. فبدأ العالم بين يديهم من أقمار روسية وعربية
وأوروبية فكان بمثابة "الفاصولية" في الحى الذي يقطنه.
دعا "فريد" ليلا لتناول العشاء معه ومشاهدة هذا الاختراع
الجديد.. قابلته "ضحى" بترحاب بالغ فهي تميل إليه دون شقيقه وقد
لاحظ نظراتها التي يفهمها وقال في نفسه "والله كلكم حريم عاوزين
الحرق الله يكون عونك يا همام انت وتمام الله يرحمه".
لاحظ ان أختها تتحرك في البيت بحرية كاملة وتذكر ذلك البيت
الذي كان خاص بأبناء العم ف شعر أنه غريبا في ذلك المنزل حتى
شقيقه "منير" أصبح يدور في فلകهم وكأنه شخص منهم.



تقابل معه في الزقازيق بالصدفة..أصبح فمه خاليا من الأسنان..وجهه أصبح " مطبق " كمن سارت عليه سيارة نقل..حزن ظاهر عليه..اغرورقت الدموع في عينيه عندما رآه وقال:-

● وانت كمان ياسيد.

● ما تقولي يا كوكا أحسن

ثم قال في حزن وكأن الكلمات تخرج من أحشائه ممزقة:-

● كوكا بنت فواكه..أظن أول مرة تسمع الاسم ده..أنا

شوفتها في آخر أيامها..كان وشها جميل..وكل ما

تشوفني تعيط وتقول يا طول أيامك ولياليك يا سيد..يا

ريتك كنت بنت وما كنتش ولد لكن نصيبك يا ابني.

انسدهش لما يقول..فأفاض وقال أنه تقابل مع سيدة في شارع

"كلوت بك"..تجاوز عمرها المائة عام..كانت تسأل عن واحدة من


الذين يعملون معه..سألته عن اسم أمه فقال اسمها..ثم نظرت إلى

"الحسنة" الموجودة فوق عينه اليسرى..سألته عن "فواكه" وبمجرد نطقها الاسم شعر بتوتر وقال لها أنها جدته..فظلت تضحك وتقهقه وقالت..حبيبة "إبراهيم الغروي"..ملك المملكة في "كلوت بك" و"عشش معروف" وحكت له تاريخا طويلا عن جدته فواكه وأمها "بنورة" التي خطفها "إبراهيم الغروي" عرف منها أن هذا الرجل "الغروي" كان أشهر القوادين في بداية القرن العشرين..كان ملكا عن حق..فله قوانينه داخل مملكة الدعارة..يحكم بالسجن والإعدام على من يغضب عليها من الداعرات.

بالمصادفة كان "فريد" قد قرأ عن ذلك العالم وعن ذلك الرجل وكان يعتقد أنه أسطورة..ولكن كلامه أكد أن ما قرأه كان واقعا..في زمن انتشر فيه البغاء في مصر منذ الربع الأول من القرن التاسع عشر حتى صدور قانون تحريم البغاء في عام ١٩٤٩ أي في السنة التي ولد فيها "فريد"..عالم غريب ومريب..تلك السيدة التي تحكي عن فترة سوداء في ظل حياة المصريين أنهم أصلا من الفجر وقبائل الغزاة..وعرف أن لفظ غازية لا يعني راقصة بل يعني أنها من قبيلة الغزاه.

ثم أردف وقال أن السيدة العجوز أخبرته أنه ما أحب سوى "فواكه"
ابنة "بنورة" وكان في سبيله للزواج منها وما حال دون
ذلك.. القبض عليه ومحاكمته في سنة ١٩٢٣ وتأكد لديه أن الأسرة
من بدايتها النسائية من مجتمع البغاء والداعرات.. ظلت سلسلة متصلة
الحلقات لذلك لم يفكر في أن ينبج وأن تنتهي سيرة هذه الأسرة
عنده.. قال في حسرة:-

وأنا بأقول ان أمي هي اللي ظلمتني.. لكن العرق دساس
ودس في نفسي.. عمري ما ندمت على اللي كنت
بأعمله.. كنت بأعتبر المهنة أو الصفة اللي ورثتها عن أم
وجدة وأعراف وأجداد وقوانين.




علم أن صديقه "حبيب" أتى من الخارج لزيارة أخوته فذهب لزيارته
في حيهم القديم الذي أصبح حيا غريبا في المدينة البسيطة الصغيرة
المتواضعة.. أبراج شاهقة فخمة.. وفيلات لم ير مثلها في أفخم أحياء
القاهرة.. عرف أن أغلب ملاكها أتوا من أرياف الزقازيق.. عرف

أسماء بعض منهم كانوا معه في المدرسة الابتدائية والإعدادية والثانوية.. كانوا أفقر التلاميذ.. يأتون من قراهم القريبة من الرقازيق سيرا على الأقدام وقد حملت أحذيتهم بطبقات من الطين.. رائحة عرقهم لا تطاق.. أجسادهم صفراء من سوء التغذية.. ردت الدموية في وجوههم.. سافروا إلى الخارج أثناء هوجة السفر في الثمانينات ونهاية السبعينات.. ربطوا الأحزمة على بطونهم حتى عادوا محملين بقناطير الذهب وأصبحوا الآن سادة القوم.

ذهب إلى "حبيب" وقابله بحرارة وخرجا سويا في أماكن اعتادوا أن يطوفوا بها منذ صغرهم.. كستان الأطفال وجنية الليمون ووابور النور.. وتصادف اليوم التالي لزيارته شم النسيم.. ثاني أيام العيد الكبير عند المسيحيين فبات ليلة عند شقيقه "سمير" وابن عمه "بسام" فتعجب لوجود "وسام" ابن "منير" عندهم وقد لاحظ تعلق عيناه بـ "زينات" قريبة زوجة "بسام" فشعر أن في الأمر شيء لكنه لم يعلق.

في الليل أعدت "نجاح" زوجة "سمير" النعناع والبصل لتضعه تحت رؤوسهم أثناء نومهم كما كانت تفعل أمه وأعدت "ابتسام" زوجة

البيض وتفنتت في تلوينه..وكما كانوا يفعلون سابقا خرجو جميعهم في سيارتي "بسام" و"سمير" فجرا إلى وابور النور وجنية الليمون ففترت الدموع من عينيه على زمن ولى وأسد رأسه على شجرة وظل يستدعي الذكريات وذلك الزمن الجميل عندما كان يتوسطهم العم "وسام" ببدلته "الشركستين" لنية اللون وحذائه الإنجليزي المكون من اللونين الأبيض والأسود.




الشقيقة "وسام" أنجبت ولد أسمته "فريد"..سافر الجميع للتهنئة على دفعتين..الدفعة الأولى توجه "فريد" و"همام" وزوجته..و"منير" وزوجته وقام "همام" بإعطاء الشقيقة "وسام" مبلغ ألفي جنيها "نقوطة" المولود مما رفع من معنوياتها أمام زوجها وسافروا بعد أن أدوا واجب التهنئة جميعا دون "فريد" الذي بقي بصحبة أخته. في اليوم التالي توجهت الدفعة الثانية المكونة من "سمير" وزوجته و"بسام" وزوجته وطفلهما نشأت الذي ظل يقبل في المولود فقال "بسام" متفاخرا:-

● ده ابن عمتك يا نشأت شرقاوي أصيل

فرد "كمال" زوج "وسام" وقال مازحا:-

● لآ ده أبو العربي..بورسعيدي أصيل.

ثم سافروا جميعا ومعهم "فريد" بعد أن قاموا بالتهنئة وعمل الواجب تجاه "وسام".



تخرج "وسام" ابن "منير" من كليته بعد أن تعثر أعواما عديدة..فرحت أمه وقالت له:-

● آآن الأوان عشان تنزرع في مؤسسة عمك همام بدل

محسن ابن ضحى وجوز أميمة اللي برطعوا فيها:-

نظر إليها في اعتراض قائلا:-

● أنا هاشتغل مع عمي سمير وعمي بسام في الرقازيق.

صرخت في وجهه وقالت:-


● أنا عارفة اللي في دماغك..بس وحياء أمك وأبوك ما

هيحصل اللي بتفكر فيه طول ما أنا عايشة.

ضرب بكلامها عرض الحائط وسافر إلى الزقازيق ليخبر "زينات" التي
فرحت فرحا شديدا ثم عرض على عمه "سمير" وعمه "بسام" أن
يعمل معهم فالتزما الصمت ثم قالوا:-

● المهم أبوك يوافق يا وسام

● أنا مش صغير عشان استنى موافقة أبويا.. أنا مش قاصر.
نظروا إليه في اعتراض وشعروا أنه سيكون سببا للمشاكل والخلافات
بينهما وبين "منير" وزوجته ثم عادا وصمما أن يأخذ موافقة والده
ووالدته.



ذهبا سويا إلى طابا وفي طريقهما أشار لهما صاحب سيارة بالتوقف
فتوقف "همام" ونزل من السيارة وتبعته "ضحى" .. طلب منه
"كوريك" لتغيير إطار السيارة فأخذه وساعده في تركيب الإطار ثم
سمعت "ضحى" صوتا ينبعث من داخل السيارة فجري صاحب
السيارة ورفع سماعة التليفون الداخلي للسيارة وأجاب المتصل
قائلا:-

● خلاص يا مسعود ربنا رزقنا بواحد ابن حلال وانحلت.

ثم وضع السماعة و"ضحى" مازالت تنظر إلى التليفون فلاحظ الرجل وقال:-

● ده تليفون لاسلكي مركبه من الستراى وتمنه معقول.
● معقول.. الدنيا بتطور بسرعة.

ثم نادى "همام" ليشاهد هذا التليفون فعرض الرجل عليهما الاتصال بأي شخص يريدان الاتصال به فخطفت "ضحى" السماعة وطلبت ابنها فكان صوته واضحا وأبلغته رسالتها ثم أعادت السماعة إلى موضعها.. عرفهما الرجل بنفسه قائلا:-

● محمد الإمباى.. رجل أعمال ولها مشروعات سياحية في ميناء.

فتحت "ضحى" فمها وقالت:-

● يا.. هي المشروعات السياحية وصلت لسينا

قال الرجل في تأكيد:-

● هي ابتدت في العريش وامتدت لحد ما وصلت لسينا الجنوبية.. هي المستقبل.

ثم أخرج الرجل كارتا من جيبه وأعطاه لـ"همام" فخطفته "ضحى" من يده وقالت:-

• إنا إتشرفنا يا محمد بيه.. ضروري نتقابل في مصر.

• إنشاء الله.

ثم انصرف الرجل بسيارته بعد أن صافحهما.. وراحت "ضحى" تسرح وتفكر فلامها "همام" قائلاً:-

• إني إزاي تأخدي الكارت منه.. هنستفاد إيه لما نعرف واحد زي ده.

قالت في اعتراض:-

• هنستفاد.. ده إنا هنستفاد وهنستفاد.. من جاور

السعيد يسعد.. وإلا إنت عاوز تفضل طول عمرك صاحب كام محل.

نظر إليها في اعتراض وقال:-

• مستورة والحمد لله.. إنا هنعوز إيه أكثر من كدة.

قالت في اعتراض:-


• كلمة مستورة وكلمة ستر ما بيقولهاش إلا الناس

المستواكلين اللي ماعندهاش طموح.. إنا بنعيش مرة واحدة يا همام.. يا نعيشها صح يا قلتها أحسن.

ظل ينظر إليها تائها.. ثم ركبا سيارتهما وقالت في غنى:-

يا سلام يا همام لما نرجع مصر وتركب تليفون زي اللي
شوفناه.. ده حلم الواحد ما حلمهوش قبل كدة.

فانطلق بالسيارة دون تعليق.



ما أن عادا الى مصر حتى آفقتته بتركيب تليفون بالسيارة.. كلفه
الأمر ما يزيد عن عشرة آلاف جنيه.. ثم اتصلت بـ "محمد إمباي"
ودعته على العشاء هو و زوجته.. فوجئ "همام" بتصرفها لكنه لم
يستطع ردها عما فعلت.


أحضرت العشاء من أفخم الفنادق وأعدت سفرة متميزة وبدأ
التعارف بينهما.. وكانت أختها وزوجها "منير" ينظران في حسرة لما
وصلت له "ضحى" من مكانة اجتماعية مرموقة وهما ليسا الا تروس
صغيرة تدور في ماكينات "ضحى" و "همام".

دعت زوجة "محمد الاماي" "همام" و "ضحى" في النادي المشترك به
ويدعى نادي "الصفوة" مما حفز "ضحى" للاشتراك في هذا النادي
الذي يضم عليا القوم لكن "همام" اعترض في بادئ الأمر عندما علم
أن الاشتراك السنوي يتعدى المائة ألف جنيه لكنه رضح في

النهاية..فاصطحبته إلى النادي بعد أن أعدت له ملابس رياضية أنيقة
لتعلمه إحدى الألعاب الرياضية الراقية..كالسكواش أو
الجولف..فراح يفكر في بدايته المتواضعة في الزقازيق والأيام السوداء
التي قضاها في فترة تجنيده..لم يتخيل أن الأيام تحبى له تلك الحياة
الرحبة.

وجلست مع "محمد الإمباي" وزوجته وعرفت أن أراض في الساحل
الشمالي ستباع بأسعار خيالية لبناء فيلات وأن زوجها يقوم بتقسيم
تلك الأراضي وبنائها وبيعها وتسليمها في فترة زمنية قليلة.
كعاقبة ألحت على "همام" لشراء أرض وبناء فيلا تليق بوضعهم
الاجتماعي..وقد ساعدهما زوج أختها "أميمة" في الحصول على
قرض من البنك الذي يعمل به وقدم لهم تسهيلات كبيرة في سداد
قيمة القرض.

لم يمر عام إلا وقد ملكا فيلا في الساحل الشمالي الذي بدأ يتجه إليه
علية القوم لتكوين تجمع راق جديد.



ذهب إلى فريد في الجريدة وطلب منه أن يصطحبه في مشوار..دهش

"فريد" وسأله قائلا:-

● على فين يا ابن عمي.

● على المتعة اللي مش هاحس بيها الا وأنت معايا

ضحك "فريد" وقال:-

● طول عمرك غريب الأطوار يا همام يا ابن عمي

ضحك "همام" وقال:-

● أطوار جمع طور..زي ما كانت أم نعاة بتنادي على

الجميز وتقول..اربع تور بقرش.

ترك "فريد" ما في يده ونهض وتبعه حتى نزلا من مقر الجريدة وتوجها

إلى سيارة "همام" وركبا..ثم قال "همام.

● هتوصل لحد بيتكم تحيب لك بيجامة وغيارين.

● ليه إحنا هنروح فين.

● في دنيا تانية يا فريد يا ابن عمي..إحنا في شهر عشرة

والجو هناك هيبقى خرافة.

ثم رفع سماعة التليفون الداخلي للسيارة وأبلغ زوجته أنه سيسافر في

عمل لمدة يومين..بعدها انطلق الى بيت "فريد" الذي أعد حقيته

على وجه السرعة..وضع بها بيجامة وبعض الفيارات.
سارت السيارة كالتائرة في طريق مصر الإسكندرية
الصحراوي..وراح "فريد" ينظر إلى الطريق يمينا ويسارا في
ذهول..القصور والفيلات التي تفوق الخيال على الجانب الأيمن من
الطريق..وأراض تزرع على الجانب الأيسر في صحراء ممتدة بطول
الطريق وبعمق لا تلمحه العين..وما أن وصلا إلى الإسكندرية..توقف
"همام" بالسيارة أمام سوبر ماركت فخم واشترى بعض المعلبات
وأكياس الخبز وما يلزم لقضاء ليلتين..ثم انطلقا في طريق الساحل
الشمالي.

وصلا إلى "مارينا" فانبهر "فريد" بذلك المكان الذي يبدو كجنة الله
على الأرض وقال:-

● أنا اسمع عن الأماكن دي لكن ما كنتش أظن انها
بالجمال ده.

● دي مستقبل مصر يا فريد يا ابن عمي.

● أقهر مستقبل؟!..مستقبل المتعة والرفاهية اللي عمرنا ما
شوفناها ولا سمعنا عنها حتى أيام الملك.

● انسى بقى يا أخى..ما يقاشر تفكيرك زي الشيوعيين

هزته الكلمة وذكرته بمقولة أستاذه أثناء رحلتهم إلى الإسكندرية
بقصر المنتزه وهو في المرحلة الثانوية "هو انت شيوعي يا واد يا
"فريد".

دخلوا إلى الفيلا التي بنيت على أحدث طراز..لفت نظره رجل تجاوز
الستين من عمره يقوم بغرس زهور ويرويها في حديقة الفيلا..وقف
ينظر إليه طويلا فبادره "همام" قائلا:-

وده عمك سنطاوي الجنائي اللي كان ييسقى الجنائن
اللي قدام سينما مصر..اللي كان بيمنعنا نلعب في
الجنينة ساعة ما يكون بيرشها.

نظر إليه "فريد" مدققاً وقال:-

وده إيه اللي له عليك يا همام.

أنا اللي اتلميت عليه..كنت في الزقازيق من
أسبوع..رحت خطفت رجلي أراجع الذكريات..لاقته
لسة بيرش الجنينة ولا كأن الزمن مشي..عرضت عليه
يشتغل جنائي في الفيلا بتلتميت جنيه في الشهر..وافق
على طول..أصله كان باقي له شهر على المعاش.

دخل "فريد" إلى الفيلا فدهش من أناقة فرشها وقال:-

● طبعاً دي فكرة مراتك وذوقها.

● أيوة يا سيدي.. بالرغم من عيوبها اللي اكتشفتها فيها
من العشرة.. إلا انها بتفكر صح.. بتفكر تتمتع بالدنيا
صح.. عندها ردار بيلقط كل حاجة حلوة وتعرض عليها
وانا ادفع على طول.

نظر إليه "فريد" شاردا.. فهزه بيده وقال:-

● رروحت فيت يا فريد.

● رروحت الزقازيق سنة ١٩٦٦.. في العيد الكبير لما انت
أجرت حصان بخمسين قرش والحصان جري بيك وكان
هيو قعلك.

هرش "همام" رأسه وقال:-

● وايه اللي فكرك بالحكاية دي.

● اللي فكرك في انك لسة راكب الحصان بيجري بيك
وخايف....

● إيه خايف ليوقعني.. وايه يعني لما اقع.. لا عندي عيل
وتبيل.. القرشين هيرحو لأخواني وجزء منهم لمراي.. يالا
قوم ناكل لقمة.

قبل الغروب بنصف ساعة خرجا الى الشاطئ.. السماء كانت ملبدة
بغيوم بيضاء.. غيوم صيفية وسرعات ما تحولت إلى غيوم خريفية
قائمة.. وتحولت مياه البحر بالوانها الخلابة المتعددة والمتدرجة من اللون
اللون الأزرق الى اللبني حتى صارت كلها سوداء.
نظر "همام" إلى "فريد" وقال:-

● مشش عاوز تزل المينة والا انت متعود على ترعة راس
التعبان

● وترعة أم عدس وبحر موسى

● يا لا يا فريد اقلع هدمك

● من غير مايوهات يا همام


● هنعوم زي عوم الترع همدومنا الداخلية يا ابن عمي

● بس حد يشوفنا.. انت ناسي ان احنا في ارقى مصايف

مصر

● ماحلش شايفنا يا فريد.. اتوكل على الله.

خلعا ملابسهما والقسيها على الشاطئ ونزلا البحر بملابسهما
الداخلية وراحا يجرحان ويتذكرا ان هو هما في مياه ترع الزقازيق.



عادا مساء اليوم التالي..وضع "همام" شريط "أنت عمري لأم كلثوم"
في كاسيت السيارة..انبعث الصوت يصاحبه رائحة ذلك الزمان في
بداية الستينات وقال "فريد" في شجن:-

● فناد..حب الطفولة البريء.

● ده إنت كنت ميت فيها يا فريد..فاكر لما أخذت علقه
بسببها.

● فاكر يا همام.. وفاكر لما أخذت بتاري

● الحب جميل يا فريد يا ابن عمي..بس انا عمري ما
جربته..جربت حب واحد بس..حبي لأمي
وأخواني..أخواني اللي كان زمانهم معانا في المتعة اللي
كنا فيها

● وإيه اللي عرفك انهم كانوا هيتمتعوا..إنت بس اللي
حساس وبتفهم في العلاقات الأسرية.

وصلا إلى القاهرة ليلا..أوصل "همام" "فريد" حتى منزله..و بمجرد وصول "فريد" إلى شقته..أمسك بورقة وقلم وبدأ يكتب ويقول:
[كنت في جنة الله على الأرض..جنة ناس بعينهم..بأموالهم التي بدأت تظهر وتطفي على شكل حياتنا التي كانت بسيطة..نحن نسير نحو منحنى جديد لحياتنا..الدولة تعمل جاهدة حتى تجعل المستريح أكثر راحة بدلا من السفر إلى الخارج للبحث عن المتعة والجمال..تم اكتشاف هذه المتعة في بلادنا وداخل حدودها..مكان كنت أتمنى أن يكون لعامة الشعب لكنه للأغنياء فقط..حُرِّم على العامة..فقيرهم وأوسطهم..خصوصية البيئة الواحدة المتشابهة الأعراف والتقاليد..فئة طفت إلى سطح المجتمع..منهم من بدأ من الصفر وكان من العامة ومنهم من هبطت عليه الثروة من السماء..سامحنى عزيزي القارئ على هذا المقال..فقد يتهمني البعض بأنني من أصحاب الفكر الشيوعي الذي طالما اقممت به..اعذروني مرة أخرى لأنني عشت فترة كانوا يسمونها الاشتراكية..اللفظ الشقيق للشيوعية باستثناء فكرة العقيدة الدينية..عندما كانت كل ثروة الشعب ملكا

للشعب.. كانت قليلة حقا لكنها لم تخلق تلك الفوارق الفظيعة بين الطبقات.. ترى إلى أين نسير وسنوات قليلة لا تتعدى الثلاث سنوات ونعبر إلى القرن الواحد وعشرين.. إمضاء رئيس التحرير.. فريد وسام]



ذهب إلى "همام" في محله صباح اليوم التالي فوجد ابن زوجته "محسن" يمسك بجهاز صغير عجيب ويعرضه على "همام" ويعرفه طريقة تشغيله وما أن رآه ظل يضحك ورحب به قائلا:-

تعالى يا فريد شوف تقليعة آخر الزمن.. قال إليه موبائل وإلا محمول وإلا ابصر إيه.

أمسك "فريد" الجهاز وراح يتفحصه وقال:-

وعلم الإنسان ما لم يعلم.

ولسنة ياما هنشوف.. تليفون لا هو لاسلكي زي بتاع

العربية ولا له أي سلك.. سبحان الله.

وجه كلامه إلى "محسن" وقال:-

بكلام ده يا محسن

بخمس بواكي يا عمو.. غير الخط اللي بيعدي تلت اربع

بواكي

ظل "همام" يضحك وقال:-

و الله يا بلاش.. روح خلص يا محسن وهات الخط اللي

بتقول عليه ده.. أملك هتفرح بيه أوي.

ثم استدار ناحية "فريد" وقال له في دهشة:-

أويه وحشتك.. مع اتنا كنا امبارح مع بعض

قال "فريد" مازحا:-

أنا جاي مخصوص عشان اسألك عرفت كلمة شيوعية

منين.

ظل "همام" يضحك من قلبه وقال:-

هو ده اللي جابك يا ابن عمي.. يا سيدي سمعتها من

زبون كان مدرس فلسفة واستقال وقلب على التجارة في

المستورد.. ولما سأله قال أنها تخص الناس الفقيرة اللي ما

بيحبوش التطور وبياكلوا في طبق واحد وبيلبسوا لبس

شكل واحد وصندل من عند باتا.. بيتهيالي انك كدة يا

فريد.. بس من غير زعل.

ظل "فريد" يضحك وقال:-

كدة يا ابن عمي



راحت تقلب فيه وهي فرحة وطلبت من ابنها "محسن" أن يعلمها

كيفية تشغيله و"همام" يتابع فاغراً فاه كالأبله ثم قال:-

ولسة الكام سنة اللي جاين دول هيزلوا اختراعات

هتخط العقل..بكرة تشوفوا اللي هتكلّموا معاه.

قال "محسن" في تلقائية:-

وأكيد يا أنكل.

وأكيد..ده مخ جان وليس الإنسان..ألف يا رب من

الزمن اللي جاي.

قالت وهي تتعلم كيفية تشغيله:-

أن هاطلب مرات محمد إمباي وبعد كدة أكلم مرات

المستشار شريف.

حاولت مرة ومرات حتى أتت المكالمة..كلمتهم وأخبرهم بالجهاز

العجيب وفوجئت أن كل صديقاً يملكن الجهاز منذ عدة شهور

فشعرت بالإحباط وقالت:-

هو أنا كدة آخر من يعلم..يا فرحة ماتت.

ثم راح ابنها "محسن" يهمس لها فظلت تنصت إليه ثم فاحت "همام"
فيما عرضه عليها وأخبرته أنه في سبيله للحصول على توكيل
للمحمول من الشركة الرئيسية فنظر إليها "همام" في ذهول وقال:-

وده يتكلف كام يا سي محسن.

ميت ألف جنيه يا عمو.

فقال على الفور:-

هو معاه المبلغ.

فنظر إليها "همام" في ذهول وقال:-

معاه؟!.

قال في تأكيد:-

أيوه..أن كنت باحوش له معاش أبوه..وكمان

مكافئته..ده غير مرتبه اللي بياخده منك كل شهر..ربنا

يبارك فيك.

يعني مش عاوزين مني فلوس.

قالت في تأكيد:-

<٥٠>

● احنا ما نستغناش عنك أبدا.. إحنا مش هحتاج

فلوس.. كل اللي هحتاجه فاترينة في محل الأدوات

الكهربائية نعرض فيها البضاعة.

راح في تفكير عميق ثم قال:-

● بس مش ميت الف جنيه كثير على انك تحوشيهم له.

● تقصد ايه يا همام.

تراجع في دبلوماسية وقال:-

● ولا حاجة بس الموضوع هيقطع على شغل المحلات اللي

بناكل منها عيش.

قال "محسن" في تأكيد:-

● ما تقلقش يا عمو.. فيه واحد هيراعي الموضوع

ده.. كان معايا في الجامعة.

● والتوكيل هيكون باسم منين.

● باسمنا احنا الاتنين

فمض في عصبية وقال:-

● يفتح الله.. أنا ما اقدرش ادخل نشاط جديد.. نشاط ولا

هيعود عليا بابيض ولا اسود.

ارتبكت "ضحى" ومالت عليه وقالت:-

● طوب ما تقصر المسافة وتحش انت معاه شريك.

● شريك لأ يا ضحى..صاحب المصلحة اه..أنا مستعد

أدفع مليون مش ميت ألف ويبقى التوكيل باسمي.

حاولت استمائه مرة أخرى وقالت :-

● يعني انت تكره انه يبقى له مصلحة باسمه..هو مش زي

ابنك يا همام بيه.

● ما حلدش قال حاجة..بس الأصول ما تزعلش..أنا

كرشت أخويا وابن عمي من المصلحة بناء على

كلامك..والا انتي نسيقي يا ست الكل..ده غير ان ابنك ما

كملش تعليمه في الهندسة ورضي بالوضع ده..يعني مافيش

مستقبل له الا معايا.

نظر إلى أمه وغمز لها بعينه فقالت:-

● على كل حال هو ابنك وانت اللي مربيه وأهو ماشي

في ضلك واللي تشوف فيه مصلحة اعمله.

● اهم حاجة انه يفضل في ضلي والمشروع هيعمل باسمي

والفلسوس اللي انتي عيناها له هتتفعه في المستقبل خليها في

البسك أهى هتكبر وتزید.. بدل ما یفتح على نفسه فتحة
الضرایب ویخش فی مشاكل ماهوش حملها وده لسة عظمة
طریة.

نظرت إلى ابسها ثم نظرت إليه فی غیظ فقد باءت خططها لعمل
مشروع خاص بها وبابنها بالفشل.



ذهب إليها فی الجامعة.. كانت تتحدث مع زمیلة لها باللغة الإنجلیزیه
فی مسألة طبیة.. لم يفهم ماذا تقولان فشعر بالضالة أمامها وما أن لحت
جرت علیه ورحبت به:-

● ازیك یا وسام.

قال وهو مقتضب الجبین:-

● ازیك یا دكتورة زینات.

● إیه مالك یا وسام.

● أنا مش عارف راسی من رجلی یا زینات.. أمی واقفة

فی طریقنا.. وعملك بسام وعمی سمیر هم کمان.. إیه الحکایة

● أنا فاضلی سنتین ولما آخذ البكالوريوس نبقی نتکلم فی

في الموضوع ده.

• وأنا لسة هاستنى سنتين يا زينات.

• آمال انت عاوز إيه يا وسام.

• عاوز.. عاوز على الأقل يكون في بينا ارتباط حتى ولو

بدل.

التزمت الصمت وراحت في تفكير عميق فقال:-

• يعني ما ردتيش يا دكتورة.


• انت لسة ما اشتغلتش يا وسام وأنا نفسي تعتمد على

نفسك.

• يعني انتي شايقة كدة.. خلاص نستنى بقى لما أبقى ألاقى

شغل.

تركها غاضبا فنادت عليه ولكنه لم يعرها انتباها.



دخل عليه في الجريدة مكفهر الوجه وما أن رآه دهش لزيارته

وسأله.

• خير يا علي.. فيه إيه.

<٥٤>

السيد كوكا.. تعيش انت.

لا حول ولا قوة إلا بالله.. امتى؟

النهاردة الفجر.. إبراهيم بقو بلغني وقلت آجي

أقولك.. ده برضه صاحب زمان.. الرابع في صحوبيتنا يا


فريد

للم حاجياته وخرج معه واستقلا سيارة "علي" في طريقهما إلى
الزقازيق وتوجها إلى المستشفى العام لاستلام جثته.. واستأجرا عربية
دفن موتى وتوجه معهم "إبراهيم بقو" إلى مدافن "المبرز" فلم يتعرفا
على مقبرة أبيه فقرر "علي" دفنه في المقابر الجديدة التي بناها وكان
صديقهم "السيد كوكا" أول من دفن بها.

عاد الثلاثة بعد أن دفنوه إلى بيت "علي بطة" وكانت "إهام" قد
أعدت سفرة فاخرة من الطعام فتناولوا الغداء سويا واصطحب
"إبراهيم" "فريد" في سيارة "علي" حتى القاهرة.

دخل بيته ثم بكى بعد أن تحجرت الدموع في عينيه وقال في
نفسه.. "ارتاح من حمل العار اللي طول عمره شايله على
ضهرة".. صديق من عمر الزمن.. اقتطع جزء من زمن ماض وجزء من
زمن حاضر ومستقبل لا يعلمه إلا الله.

طفولته البريئة مع طفولتهم المتشردة التي لا تخلو من نقص وقلة حيلة
وحرمان.. استطاعوا أن يحققوا الكثير ليعوضوا ذلك الحرمان.. كنت
أكل وهم لا يأكلون.. اليوم هم يأكلون ما لذ وطاب وأنا أكل على
قدر إمكانياتي المادية.. المادة تحول مسارها مني إليهم ولكنهم مازالوا
يشعرون بالدونية



ذهب إلى محل "همام" وقد بدا وجهه مكفهرًا وما أن رآه تغيرت
ملامح وجهه وقال:-

● إيه اللي حصل يا ابن عمي مين مات في العيلة.

جلس "فريد" بجواره وتنهد وقال:-

● ما تخافش مش حد في العيلة.. من شلة الصعاليك.

● مين فيهم.. على الله يكون علي بطة

● لأ.. سيد كوكا.

● ربنا يرحمه.. ما كانش عارف يهرب في الدنيا من سيرة

أمه وخالته.. أهو هرب للآخرة.

دامت لحظة صمت بينهما وقال "همام" في دهشة:-

● معقول متأثر أوي للدرجة دي.. ده انت غريب أوي يا
ابن عمي.. دي كانت اوحش حاجة فيك معرفتك
بالصعاليك الثلاثة.. أنا الحمد لله ما كانش ليا
أصحاب.. قوم.. قوم اما المرجك على الفرع الثاني بتاع
المويلات.

ابتسم "فريد" وقال:-

● دائما محتكر كل تكنولوجيا جديدة.
● دي فكرة الواد ابن مراي.. واد مخه إيه.. بريمو.. ابن أمه
صحيح

فرض "فريد" معه وتجول في الغل وقال "همام":-

● الواد كان عاوز ياخد السبوبة دي لوحده.. صحيح أنا
مش محتاج لها.. واللسي هيجي منها لا هيزودني ولا
هينقصني.. بس هأشغل نفسي بابه غير التجارة والفلوس
نظر إليه "فريد" وسرح ثم قال:-

● يعني انت سعيد كدة.

● لو فيه فيه حاجة تانية قدامك تسعدني دلني عليها.

● ومراتك؟!.

● مراني وابنها مافيش آمن منهم على مالي..أكثر من
أخواني..صحيح بنت أصول..مش الداهية اللي اسمها
إهمام..اللي دائما حاطة إيديها في جاكتي وينطلوني...أنا
كنت عارف بس مطنش..

● سبحان الله يا همام..انت طيب اوي..

● إيه لك رأي في مراني والا ايه..

● أبدا..بس انا حاسس ان كل شقاك....

● رايح يا فريد..هي بتلبس وتلبسني أحسن لبس وتاكل
وتأكلني أحسن أكل..وتتفسح وتفسحني أحلى
فسحة..وانت راجل ولك رأي وخبرة في الحريم..وهي زي
الفل..ما تنامش جانبي الا وهي لابسة أحسن وأنصف
هدوم وحاطة أجمل ريحة.

ظل "فريد" ينظر إليه وسرح فباغته "همام" قائلا:-

● إيه بقي اللي انا عاوزه أكثر من كدة يا ابن
عمي..هاحوش الفلوس لين..لبسام ومراته ابتسام..مصريهم
ياخدوا حقهم الشرعي في الحبل لما الحق ياخذ حقه.
● ربنا يدبك الصحة وطولة العمر يا همام يا ابن عمي.

ظل يضحك ويقهقه وقال:-

والله انت بقيت صورة من عمك وسام.. قعد مضرب
عن الجواز ولما جه يتجوز.. اتجوز امي وامك في نفس واحد.



اجتمعوا على السفرة كعادتهم اليومية لتناول وجبة الغداء في الرابعة
مساءً.. الميعاد الذي حددته "ضحى" والطعام الذي تختاره
"ضحى".. يجلس "همام" على رأس المائدة وبجواره "ضحى" وابنها
"محسن" وفي الواجهة "منير" وزوجته وابنهما "وسام" وفي المنتصف
"أميمة" وزوجها حديث كل يوم الرتيب وأسئلة "همام" التي لا تتغير
واقترحات زوج "أميمة" ويحجب "منير" قائلاً:-

شحنة التلاجات الأخيرة مستوفية العقود والشروط
القانونية.

يقول زوج "أميمة":-

وامبارح اتفقنا على توريد كل شحنة التلاجات لقرية
سياحية في الغردقة

يقول "محسن":-

● بالنسبة للموبيلات اتفقنا مع شركة الحراسة الخاصة
على توريد خمسين عدة لرؤساء الأقسام ومديري الإدارات
على خمس أقساط:-

فيقول "همام":-

● عال عال.. ربنا يزيد ويبارك.

تبدو الفرحة على وجه "ضحى" والوجوم على وجه أختها وزوجها
"منير" الذي ينهض من أمام المائدة ويدخل حجرتة وهو ينفخ فتلحق
به زوجته التي تلومه وتقول له:-

● انت قمت من على الأكل ليه.

● شبعت.. شبعت من كل حاجة وجعان لكل حاجة.

● مالك يا منير

● يعني مش عارفة مالي.. كلنا دايرين في فلك همام بيه
وضحي هانم.. أختك.. الوقت الي بتحدده للغدا ونوعية
الأكل.. وقعدتي في البيت طول النهار لا شغلة ولا مشغلة
وبالليل اقعد أقلب في ورق شرا وبيع همام باشا.

نظرت إليه وصمت.. هي الأخرى لم تعد توافق على هذا الوضع أصبحت هي وزوجها حيسان لذلك القصر.. كل الأمور بيد أختها "ضحى".. أختها "أميمة" منقادة لها.. زوجها يضمن وظيفته وراتبه في البنك ووظيفة عند "هام".. يتقاضى ثلاثة آلاف جنيها في الشهر.. و"منير" يتقاضى نصف راتبه.. الصغير "محسن" يتقاضى أيضا ثلاثة آلاف جنيها لا يصرف منها مليما واحدا.. يأكل ويشرب ويشترى ملابسه عن طريق أمه التي تكثر له أموال معاش أبيه وراتبه الذي يحضره لها كل أول شهر طوعية.. أما العقل المدبر له وللجميع.. فكرت أن تحدث أختها بشأن راتب "منير" ولكنها خشيت أن تصدها.. على الرغم من أنها الأخت الصغرى إلا أنها أصبحت ربة البيت كله.. كبيره وصغيره.. كانت تصحبها هي و"منير" في رحلاتهما ثم قصرتما بعد ذلك عليها وعلى زوجها فقط.

راح ينظر إليها وهي تائهة وتفكر وقال:-

روحني فين يا أم وسام.

هاروح فين.. ما اقدرش أروح أكثر من هنا.. الست

"ضحى" وأنا و"أميمة" ننفذ.. نطبخ ونغسل.. حتى الواد

اللي حيلتنا هائم على وشه لا شغلة ولا مشغلة.

● يعني انتي معايا.


● معاك بس ايه العمل..لو كنت لسة في شغلك كان

زمانك بتتنقل من بلد لبلد..ومرتبك لما يضربه الدم ما

يوكلش عيش حاف وابنك بياخد مصروفه لحد دلوقتي

تلتमित جنبه كل شهر..عندك بديل يا سير منير.

نظر إليها وصمت ووضع رأسه بين يديه وظل ينفخ.



ذهبت معها إلى البندر بالقازيق لشترى لها ملابس استعدادا

للدراسة وللعام الجديد بالكلية..لاحظت التغير الذي يعتريها

فقالت:-

● شوفي يا زينات..اللي في دماغك ده تنسيه..بصي

لدراسك هي اللي هتفعلك..أنا لو جوالي حاجة هتبقى برة

البيت..ولاد وسام قواي..سواء بسام جوزي او سمير ابن

عمه.

نظرت إليها "زينات" في دهشة..هذا الكلام تسمعه للمرة

الأولى..كانت تظن ان السعادة ترفرف على حياقتها هي وزوجها

وابنها نشأت..فقال لها:-

● ماتستغريش..الأوض لما بتتقفل على الراجل والست
بيظهر المستخبي..القرف والزهق..كل ما بنكبر كل ما بنبعد
عن بعض..والواد وسام ابن منير صورة منهم..ده لو
حصل..واظن ان عمره ما هيحصل..هيوريكي
المرار..باقولك دول عيلة قواي..مافيهمش غير فريد.

قالت في ذهول:-

● بس عمو سمير راجل طيب وبيقدر.

● ماחדش قال حاجة..لكن مراته نجاح عقوبة..العمة
هتفضل عمة..مهما طال الزمن..ده غير قعدة حساب آخر
النهار بين بسام وسمير على الإيرادات وعلى طريقة الشغل
في الورشة..وعلى قد ما انا باكره همام..لكن كان شاكمهم
كلهم.

شعرت بالخوف من كلام "ابتسام" شعرت انها تعيش عائلة عليها
وعلى زوجها..عليها ان تسرع الخطى لتخرج من دائرة قد تدور بها
الى الخلف وتفقد ما تحلم به..حقا ان "بسام" يعاملها معاملة طيبة
ويحرص على إرضائها بل انه يختار لها ملابسها احيانا عندما يذهب

عندما يذهب الى الزقازيق.. هل بدأت "ابتسام" تشعر بالغيرة منها؟!.



خرجت "أحلام" من السجن.. لم يزرها أحدا طوال فترة السجن.. أبوها مات متأثرا بما اقترفته بعد ان ترك بيته ليعيش مع اخته الأرملة.. لم ينتظرها أحد بباب السجن.. كانت تحمل معها مبلغا ادخرته نظير عملها بالتفصيل والتطريز بالسجن.. كل شيء تغير أمام عينيها.. دخلت في بداية الثمانينات وخرجت في نهاية التسعينات.. جرت على محطة القطار المتجه الى الزقازيق.. كانت على يقين أن والدها قد مات.. ذهبت إلى بيتهم فوجدته قد أزيل وبني مكانه فرن.. لا تعرف أحد سوى عمته.. تقطن بيت صغير في كفر النحال.. فاستقلت سيارة أجرة وطارت إلى هناك.

العمة مازالت على قيد الحياة.. لكنها تجاوزت الثمانين من عمرها ويخدمها جيرانها.. فرحت بها العمة على عكس ما توقعت وقابلتها بترحاب بالغ وراحت كل منهما تحضن الأخرى وتبكي.. ثم ارتدت ملابس تظهر مفاتنها وجمالها .

بحثت عن إلهام وعثرت على مكانها فذهبت إليها في محل زوجها

فقابلتها بفتور وحاولت ألا تطيل معها الجلسة فقالت لها في لغة لا
تخلو من التهديد:-

● هو انتي تخرجي من عز لغز وأنا أروح في الكازوزة
..بقيت رد سجون.

خافت منها "أحلام" وقالت في تودد:-

● ما هو انتي اللي جيتيه لنفسك يا أحلام.

● ما هو ده اللي يفرق بيني وبينك يا أحلام.. قلبي.. قلبي
الضعيف اللي دور على الحب.. إنما انتي حاطة على قلبك
طوبة.. ما يهمكيش الا راجل يصرف بس وأهو حالك
برضة كان أحسن من حالي.

أخرجت من صدرها مبلغ كبير وناولتها إياه فردت يدها وقالت:-

● ما يلزمنيش يا اختي.. أنا مش طمعانة الا في أكلة تسد
البطن.. أنا اتعودت على أكل السجن اللي لا يسري ولا
يمري.

مرت لحظة من الصمت بينهما ثم سألتها "إلهام" في لهجة لا تخلو من
الحدة:-

● آمال انتي اني جاية ليه.. ناوية تخربي عليا تاني

● لا يا بنت حتنا وعمرنا الصغي روعمرنا الصغير
وحلمنا الأصغر.. أنا كنت جاية أشوفك واطمن
عليكي.. انتي اللي باقية لي من زمن السجن قطعه أكثر من
ستاشر سنة قضيتهم مية وأنا عايشة.

وإثناء حديثهما دخل عليهما "إبراهيم" فظل ينظر إليها وعندما
تذكرها صافحها في حرارة وقال:-

● والله زمان يا سنيورة حتنا.

عدلت من هندامها وراحت توضب شعرها بيدها وقالت:-

● والله فيك الخير يا بقو.

قال معاتباً:-

● انتي لسة فاكرة الاسم ده.

شعرت "إلهام" بقلق من طريقته معها فنهضت "أحلام" وقالت:-

● بالإذن.. أصلي تأخرت على عمي.. لكن لنا زيارة ثانية

فجرى "إبراهيم" إلى السيارة وفتح لها باب السيارة الخلفي وأشار
إليها بالركوب.. ففتحت الباب الأمامي وجلست على المقعد الذي
يجاوره وقالت:-

● بس مشواري صعب وبعيد يا إبراهيم.

وأنا معاكى انشالله لحد ليبيا

نظرت إليها "إلهام" في ضيق وقالت في نفسها "طول عمرك
بجحة"..وانطلقت السيارة بسرعة فقالت له "أحلام":-

وانت ماشي على قشر بيض يا ابراهيم

ياريت..أنا مش عاوز أوصل بسرعة..ليكي وحشة يا

احلام زمان يا اجمل بنات قسم النظام كله.

ظلت تضحك وقالت له في لؤم:-

وانت اتأهلت والا لسة.

وقصداك اتيلت..أخت علي بطة.

ومين فيهم.

وأطة.

واللي كانت بتحلق زلبطة وأمها تدهن لها راسها بالشطة

أهو كله نصيب يا ابراهيم.

ونصيب مهيب يا أحلام..يا حلم زمان.

والله..ما تخف يا راجل..ده انت على ذمتك ولية.

والرحمة يا احلام.

وايه اخبار اخواتك البنات وأمك

أمي ماتت واخواتي كل واحدة في بلد.. وربنا ستار على عبيده.

وصلا إلى بيت عمتها ونزلت من السيارة وقالت:-

الوقت عدى بسرعة يا برهم.

يا ريتيه ما عدى.. أنا.. أنا عرفت العنوان وهاجي أشقر


عليكي كل يوم.. أشوف طلباتك.

بصفتك إيه؟

حاليا بصفقي ابن حنتك القديمة وبعد كدة يحصل المراد

من رب العباد.

ظلت تضحك في دلال ومدت يدها لتصافحه فخطف يدها وقبلها.



جلس أمامها ووضع رأسه بين يديه فنظرت إليه في عدم رضا

وقالت:-

واخرقها معاك يا ابن منير.

واخرقها خلاص.. السفر لأمریکا.

نعم يا روح امك.. انت ناسي انك الحيلة.. وحتجيب

وهتجيب فلوس منين يا سي وسام.. انت عارف التذكرة
لحد أمريكا بكام ومصاريفك هناك هتبقى كام.
● أنا معايا حق التذكرة.. وهانزل عند واحد صاحبي كان
معايا في المدرسة في المنصورة.

فمضت من مكانها وامسك به من ملابسه وقالت:-
● المنصورة.. واحد من اياهم اللي كانوا هيجرجروك
لسكتهم اللي تودي وما ترجعش.. لأ يا روح أملك انسى.
أبعد يديها عنه ووقف متأهبا وقال:-

● لأ انتم اللي تنسوا.. أنا ماليش مستقبل في البلد
دي.. انتي فاهمة.. ومش هاقعد طول عمري آخد مصروفي
من أبويا اللي الله اعلم اذا كان حلال والا حرام.
● اخرس قطع لسانك.. يا ريتك تحصل ربع أبوك.
جرى من أمامها وقال:-

● وانا كنت جاي اسلم عليكم.. لكن انا غلطان ايني
قلتلكم.. أنا مسافر بعد بكرة.
ظلت تلطم وجهها فجاءت كل من "ضحى" و"أميمة" ليتحريرا الأمر
ولكنها سقطت مغشيا عليها بين يديهما.


في عناد وإصرار..ترك "وسام" أباه وأمه وذهب إلى أحد أصدقائه
وبات عنده ليلته بعد أن حزم حقييته وتوجه إلى المطار تاركاً لهم
والحزن لوالديه..لا يشغله سوى مستقبل مجهول بعد أن تحجرت
مشاعره تجاه الجميع..فهو يكرههم جميعاً..أمه وأبوه وخالاته
وأعمامه..خاصة "همام" و"زينات" التي تحولت مشاعر الحب تجاهها
إلى كراهية وحقد بغيض.



راح يمسك بقلمه ويستعد لكتابه مقالاته بمناسبة العام الجديد..الرقم
الغريب الذي لم يتوقع يوماً أنه سيعيشه..١٩٩٩..هذا الرقم الذي
تكرر فيه أعداد ثلاثة كل مائة عام..١٨٨٨..١٧٧٧..وتتوالى
الأرقام الثلاثة المتشابهة لتؤكد أحداثاً مرت على مدى
الزمن..الزمن الذي يقهر ولا يُقهر..وقد تغيرت مصر..تنازعت
فيها القوى السياسية والحركات المناهضة للحكومة..والألسنة التي
بدأت تتكلم في صراحة..تجاوزت الخطوط الحمراء..مرحلة تقبل
عليها مصر من أخطر المراحل التي مرت عليها..وبدأت الرأسمالية
تسيطر على أدوات الإنتاج في مجتمع عاصر فترة الاشتراكية التي هي

العدو الأول للرأس المال الخاص.. الحوادث الإرهابية المتلاحقة في شارع الهرم والمتحف المصري نهاية بمحادث الأقصر البشع .. التحدي السافر للأمن.. عدم الشعور بالأمان.. فقد تكون أحد المارة في أحد الميادين وتكون ضحية لتطرف.. ليس لك فيه ذنب.. في إحصائية عدد القتلى في الحوادث الإرهابية كبير لأناس لا حول لهم ولا قوة.. لا فكرا مناهضا أو متوافقا مع الدولة.. اناس يعيشون في حالهم لا يرجون الا بزوغ شمس يوم جديد لتبدأ حياتهم مع معاناة يومية في كل شيء.. دخولهم لا تفي بالحد الأدنى لمطالبات المعيشة التي تحدث دخولهم الضئيلة.. يعيشون بلا هدف ولا طموح سوى الحصول على رغيف العيش المدعم.. المتواضع.. الذي يشبع البطون.. لا يضمن لكنه قد يشبع جوعهم.. إلى أين نحن نسير.. من المؤكد إلى الجحيم.. المخيف.. المرعب.

بالطبع لم يوافق رئيس مجلس إدارة الجريدة على المقال فكان عليه نشره في جريدة مستقلة أو معارضة.. قال حاله ليكون محررا بإحداها ومساعدة لرئيس التحرير.. "جريدة متى يطلع النهار"



ظل يتردد على مسكنها بصفة شبه يومية.. يحضر أصناف من الطعام
الجاهز والفاكهة والحلوى.. وذات يوم وقفت في مواجهته بعد أن
فرغ من تناول الطعام و قالت:-

● وأخرقها يا إبراهيم .

● خير إنشاء الله يا أحلام يا حلم الأيام.

● إحنا في حنة شعبية والناس لسانتها مبتسكتش

● أنا مستعدة أقطع أى لسان

● يبقى في الحلال.

● ده يوم المنى يا ست الكل

● بس ليا شروط يا إبراهيم.


● أو عى تطلب منى أطلق أطه دى الرابطة اللى بينى وبين

على بطة.. هى سبب العز اللى أنا فيه.

راحت تنظر إليه في لؤم وقالت:-

● مش هو ده الشرط أنا مش خراية بيوت أنا عايزة شقة

في القومية تعيش معايا عمق فيها
● غالى والطلب رخيص
● ومحمل أعمله مشغل تفصيل وتطريز.. حاكم أنا ناوية
● أكل السوق وأخترع حاجة جديدة
● من عيونى يا أحلام يا حب زمان
● وطب مش تسألنى عن الاختراع
● يعنى هيكون إيه فساتين بالكهربا.
● لا إيجار.. فساتين أفراح وفساتين سهرة.. مشروع لسه
● مجاش فى دماغ حد فى كل الزقازيق.
● على البركة.. نكتب الكتاب امتى
● وإنشالله دلوقى
● بس يكون فى السر
● راحت تضحك من قلبها وقالت:-
● فى بير يا بقو يا آخر صبرى



ظل يلف ويدور حولها.. لا يصدق أذنيه.. فقال لها:-

والنبي يا ابتسام ترجعي الشريط من الأول

وايه سمعت تقل والا ايه يا معلم بسلام.

معقول يا ولاد.. بعد السن ده يا ابتسام.

وأمر الله يا بسلام.

جلس ووضع رأسه بين يديه وقال:-

ونحيب له عمر منين عشان نريه.

يا اخويا ربنا يدبك الصحة وطولة العمر.. هو انت يعني

عديت الستين.. ده انت لسة يادوب بتلعب في الخمسينات.

نظر إليها مذهولا وقال:-

وانستي هتجيبى صحة منين عشان تربي عيل والا عيلة

تانية.

ربنا يقدرني.. إياك عشان شوية التعب اللي بييجوني كل

حين ومين.

● لا يا ابتسام.. ده انتي ما بيعديش شهر الا لما تشتكي
وتدوري في ساقية الدكتور.

● قصدك الدكتورة.. ما هي ربنا يخليها الدكتور زينات
هي اللي بتعالجني وهي اللي مراعياني.

● ربنا يخليها لك يا اختي.. اقعدي بالعافية
● على فين يا بسام.

● على الطاحونة اللي شغالين فيها ليل وفهار.. وسي سمير
اللي حاطط ايده في المية الباردة.. قدامنا طليبات بالكوم
ولسة ما خلصناش ربعها.. الله يلعن الشرك حتى لو كان في
الجنة.

راحت تنظر إليه في دهشة وتقول:-

● معقول يا سمير.. بعد ما عدت الأربعين.


● أمر الله يا نجاح.. سبحان الله.. وبنتنا اللي... استغفر الله
العظيم.. اللهم لا اعتراض على حكمك.. سبحانه يا
نجاح.. بعد ما تقعد سنين عشان تخلف نشأت وبعد سنين
هتخلف تاني.

● هي قريبتها اللي تضرب في قلبها اللي اسمها زينات

عملت دكتورة عليها وأديتها أبصر إيه عشان تعيده من
تاني.. يا عيني عليكى يا وسام يا بنتي
● طب ما تخليها تكشف على وسام ما هي دكتورة نسا
وولادة شاطرة بيحلفوا بيها في مستشفى الجامعة بالزقازيق.
● قطعت وقطع اللي يجي من وراها انشا الله عنها ما
خلفت.

وضع رأسه بين يديه وراح يتمتم بآيات قرآنية و"نجاح" تدور أمامه
كالنحلة تيرطم بكلام يغضبه ويقلب عليه المواجه فقال لها في
عصية:-

● أهدي بقه خيلتي ما قلنا ده أمر الله ولا هتعترضي
على حكمه يا وليه.



راح يضحك من قلبه وينظر في غيظ وقال :-
● إيه يا عم فريد بقه أنا جاي أخذ شورتك تقعد تضحك
و تتريق عليا .

● مهو من منظر ك رابط دماغك ومجبر دراعك و اشى

على عكاز إيه يا بنى كل ده من علقه من مراتك.
● من مراتى و أخوتها المفتريين والندل على بطة زاد
وغطى وعجز لى رجلى
● مهو أنت اللي تستاهل من بعد ما رفعك فى السما عاوز
تسيب أخته وتروح تجوز عليها.
● بحبها بموت فى ضوافر صوابع رجليها يا فريد.
● ومين بقه سنيورة زماها.
صمت "إبراهيم" لحظة وراح ينظر اليه من إسفل عينيه وقال بصوت
خفيض:-

● أحلام .
إنزعج عندما سمع الأسم وقال:-
● أحلام مين؟
● مرات ابن عمك المرحوم تمام.
● يجرب بيتك..قتالة القتلة..هى طلعت من السجن.
راح ينظر إليه منكسرا ولم يعلق فقال "فريد":-
● هى الدنيا ضاقت بيك دى تعبان و قرصته و القبر
اسألنى أنا عن أحلام.

● بحبها يا أخى.

● حبك برص ودي واحدة تتحب ولا أنت تقدر عليها في

سنتك ده..دى ولا يكفيها عشر رجالة عتالة مش واحد

رفيع زيك يا سى بقو

فمض غاضبا وقال:-

● هو أنا جيتك يا عبد المعين عشان

● عشان ايه هات من الآخر وخلصني.

● ابن عمك همام.

● ماله.

● يديني بضاعة واكتب له وصولات أمانة..عشان أرجع

أقف على رجلي من تاني.

● رجلك ولا أيدك ولا دماغك..ده أنت وقعت وقعة

ماهاش قومة..قوم يالا واوعى توريني وشك تاني.

● بقي كدة يا صاحبي.

● صحوية الهم والشوم..كان عندك حق يا أما..شوية

صعاليك ما شوفتش من وراكم الا القرف..غور من وشي

واوعى تحيلني تاني حتى لو مت..انت والا الزفت اللي اسمه

علي بطة.. يالا غور.



أمسكت بالخطاب وراحت تلتهم سطور هذه هي الرسالة الأولى
منذ أن تركهم من عدة شهور.. لم يعرف النوم سبيلا إلى
جفونها.. يقول في خطابه إنه علي ما يرام ولكن بين السطور
ويحساس الأم يختلف تماما عما ذكر يبدو أنه في ضائقة مالية عاتبت
زوجها على عدم سؤاله عنه يقول لها :-

● أنسى إنك ليكي ابن وأسمه وسام ده بعنا خلاص.

● يا راجل إيه القسوة اللي ربنا حطها في قلبك حرام

عليك يا منير.

● طب إيه الحل قوليلي عليه وأنا أعمله.. أسافرله أمريكا


إننى فاكرة إنما الزقازيق هنقطع شوارعها طول وعرض.

● يعنى هنسيبه وربنا يعلم بحاله.

● مهو لو كان عاوزنا نوصله كان كتب عنوانه.

● الله أعلم إذا كان له عنوان.. بينام فين ويبا كل إزاي.

راحت تقبل الخطاب وقد بللته دموعها و قرأته مرات و مرات فقد
إنفطر قلبها حزنا عليه..ولدها الوحيد سندها بعد أبيه..مات وهو
حيا.



أمسك بالقلم وكتب الرقم ٢٠٠٠ رقم مقفول لا يتكرر إلا كل
ألف عام رقم آثار مشكلة في الحاسوب..مشكلة الزيرو لم يفطن إليها
العلماء ليلا ونهارا يبحثون عن حل..عقل البشر لم يعجز عن اختراعه
وتطويره حتى أصبح أداة للتسلية في البيوت مشكلة تم حلها قبل
حلول العام بفترة وجيزة كان سترتب عن تلك المشكلة كارثة
عالمية..ستوقف جميع الأجهزة..هداهم الله إلى حلها وعلمهم مالا
يعلمون بإذنه وبأمره وسلطانة.

دائما يسأل نفس السؤال كلما كتب عن الزمن..ماذا يجنى لنا هذا
الرقم المقفول..فكلما تقدم الزمن تحدث مصائب..العلم يتحدث
والجاهلون كثيرون..دائما يتحدثون عن الوجه السيء الذى يحمل
الشورور لكل إختراع يغير البشرية فالأقمار الصناعية التى جعلت
العالم قرية صغيرة يستخدمونها فى التجسس على بعضهم البعض لا

يأتى صباح يوم جديد إلا وتطورت أفكار الشر.. الكل يريد أن يسيطر يريد أن يكون مكانه وحده فى العالم يستفيد بخيرات وحده .. أما المنجمون فقد انحصرت نبوءة قديم منذ خمسين سنة أن العالم سيفنى عام ألفين.. هل ستحقق نبوءة قديم؟.. مات أغلبهم قبل أن يحل العام ألفين.. هل سيفنى العالم أم ستقوم حرب عالمية ثالثة؟ أم أن بعد الزمن عن الإنسان قد يحمل دلالات المجهول.. والمجهول دائما عندهم مخيف ومرعب ولا يشتر بأي خير.. فلتأتى بما تحمله يا عام ألفين.



أمسك بجهاز المحمول وراح يضحك ويقول:-

سبحان الله.. بقى ده اللي كان أمل.. بقى شعبي وكل من هب ودب شايله وبالسريعة دي.. خمس محلات حوالينا بيعوه.. بكرة يبقى في كل حارة وزقاق

قال "محسن":-


الدنيا بتطور يا عمو بسرعة.

خلاص يا سي محسن ماعدش ينفع الشغل في المهيب ده.

صمت "محسن" لحظة ثم قال زوج خالته:-

الحاج همام عنده حق يا محسن.. احنا لازم نغير النشاط كله
ازاي بقي يا أستاذنا ؟!
المول.. موضة الأيام دي.. تبيع الفيلا بتاعة الساحل الشمالي
وأهي هتجيب مبلغ وقدره.. ونشتري حطة أرض البنك عندنا
عارضها للبيع ضمان دين وناخد سلفة و
ولأ يا حبيبي انت مش شايف فلوس البنوك عملت ايه في ناس
كثير.. خربت بيوقم.
قال هامساً:-

بس يا حاج همام.. مش كل كل ولا أي أي.. فيه ناس هبرت
هبرة كبيرة وخلعت على برة.. اسألني انا عن اسرار البنوك.
يعني ايه ؟!
مش هنخسر حاجة.. نشتري حطة الأرض وناخد مبلغ ضمان
بيها.. ونبي عليه المول.. ونعمل شركة تضامن تكون كبيرة.
ومين الشركا بقي ؟!
حضرتك ومحسن.. ومدام ضحى ومنير ابن عم حضرتك.



نظرت إليه وضحكت في هيسريا وقالت:-

ودي فكرة بمليار جنيه يا همام.

المليون ما عايش له قيمة.. ده بيتكم اللي في الزقازيق جايب

اتنين مليون جنيه.

نظر إليها في دهشة وسألها قائلاً:-

مين اللي قالك.

مرات منير.. أصل منير لما كان في الزقازيق آخر مرة.. أخوه

وأخوك قالوله كدة.. فيه واحد اسمه.. اسمه.

المعلم رجب؟

أيوة المعلم رجب.

سبحان الله.. الزقازيق اللي كانت زي القممم بقى فيها

ملايين.. رجب الكرسيجي.. اللي كان بيخطف اللقمة من بق

عياله.. بقى بيلعب بالملايين.

قول لنفسك يا همام بيه.

يعني انتي موافقة على المشروع اللي قال عليه جوز اختك ؟.

هو يفهم في لعبة البنوك..ويا بخت من فاد واستفاد..لما تدي
مدير البنك خمسة في المية من قيمة القرض..تعليه
لفوق..لفوق قوي.

والله يا زمن فيه اللعب على المكشوف.
قلت ايه.

قلت لا اله الا الله..موافق.

راحت تقبل رأسه ويديه وأكتافه وقالت في نشوة:-

ربنا يخليك لنا يا أبو المفهومية.



راح يصرخ بصوت عال على "سمير" وزوجته "نجاح" فخرجوا
مفزعين..فأخبرهم ان "ابتسام" على وشك الولادة وأن وجهها قد
تغير لونه وبدى جسدها كله أزرق اللون..فسأله عن الدكتورة
"زينات" فأخبرهم أنها في مؤتمر للأطباء بالقاهرة..فحملها في سيارة
"سمير" وذهب بها إلى المستشفى الجامعي وما أن رآها الطبيب قرر
دخولها العناية المركزة.

سهر الجميع حتى صباح اليوم التالي وروزقا بمولودة اسمها "بسام"

"صباح" على اسم شقيقته رجهما الله.. وبعد ساعتين من ولادتها
فأرقت الحياة على أثر تسمم حمل.

راح "بسام" يلطم وجهه ويردد في هستريا:-

جيتيلي مصيبة يا ابتسام وسيتيني.. هو أن حمل نشأت
لواحدة عشان تجييله أخت ويتكتب عليهم يتحرموا من

الأم.

دفنها بجوار أمه بعد أن انقطعت من الدنيا إلا من قريبتها "زينات".
أخذت "نجاح" المولودة وراعتها وراح "بسام" في نوبة من
الحزن.. يبكي ليلا ونهارا ويحدث نفسه في ذهول.. وما أن عادت
"زينات" راحت تلطم وجهها على قريبتها الوحيدة الباقية لها في
الدنيا.. وقبل أن يحل الليل راحت تلملم ملابسها وحاجاتها حتى تقيم
بداخل المستشفى فرجها "بسام" ألا تترك البيت فهي الباقية له من
رائحة زوجته فرفضت في بادئ الأمر فأخ عليها قائلاً:-


وده انني الشمعة اللي كانت منورة ديتنا يا زينات.

قالت وهي تعتصر من الألم:-

وانت صاحب الفضل عليا ووصلتني للي أنا فيه

خلاص.. عشان خاطري ما تسييش البيت وأنا هانام عند

أختي نجاح لحد ما ربنا يسهلها من عنده.



حدثه "سمير" تليفونيا في اليوم التالي فأتى إلى الرقازيق مسرعا ليقدم واجب العزاء لابن عمه "بسام" ثم راح يبكي عندما رأى ابنه "نشأت" مترويا في أحد أركان المنزل ويبكي بكاءً شديداً.. ثم جاءت ابنة عمه "نجاح" وقدمت له المولودة "صباح" وقالت:-

● صباح.. على اسم حبيبتك الغالية صباح الله يرحمها يا فريد
راح يقبلها وقد فرت الدموع من عينيه فقالت "نجاح" في حزن:-
● سبحان الله جت للدنيا يتيمة.. يا مشوارها الطويل.
● البركة فيكي يا نجاح يا بنت عمي.. دي شائلة اسم الغالية.
● ربنا يقويني.


سرعان ما حضرت "زينات" ودعته للغذاء في منزل "بسام" فثارت "نجاح" في وجهها وقالت:-
● ليه يا اختي.. هو مافيش أكل في بيت أخوه وبنت عمه.
شعرت بالخرج البالغ فنظر إليها "فريد" وقال مجاملا:-
● مافيش فرق يا بنت عمي.. الواجب اني آكل لقمة في بيت

ابن عمي.. أخوكي بسام.

قالت في ضيق بالغ :-

● على راحتك يا ابن عمي.

توجهوا إلى شقة ابن العم وتناولوا الغداء جميعا وكانت السفرة معدة بشكل راق فأدركت أن "زينات" قد تبدلت سلوكياتها من سلوكيات الطبقة الشعبية إلى سلوكيات الطبقة الراقية فمشوار تعليمها كان له التأثير البالغ في حياتها ووظيفتها المرموقة كطبيبة أمراض نساء لها طموحاتها.. ولكن ماذا سيكون موقعها من ذلك البيت.



ذهب إلى ابن عمه "همام" وجده غارقا في أوراق ورسومات وأمامه

مهندس يشرح له فرحب به وقال :-

● وشك ولا وش القمر .

نظر إليه "فريد" ثم نظر إلى الأوراق وعندما لاحظ "همام" قال :-

● رسومات المول الجديد نقلة جامدة في حياتي يا فريد.. خلاص

هبقى من رجال الاستثمار بجد

<٨٧>

مال "فريد" إلى أذنيه وأبلغه بوفاة زوجة أخيه "بسام" فتغيرت ملامح وجهه وقال:-

• "إنا لله وإنا إليه راجعون.. الموضوع ده إمتى وإزاي..

• من يومين وهي بتولد.

• بتولد؟! معقول وهي في السن ده وجابت إيه.

• صباح.

مجرد سماعه الاسم وضع يده على رأسه وقال:-

• سبحان الله لينا نصيب نسمع الاسم ده من تاني.


• مش هتروح تعزيه.

• هبعثله تلغراف.

• دة انت أبو الواجب يا كبير عيلة وسام .

راح يداعب وجهه بيديه وقال:-

• ماشى يا فريد بس تيجى معايا.



راحت تلطم وجهها وتصرخ وتقول:-

• معقول يا ناس ييقالى ابن وأتحرم منه ده واد واحد اللي

إترجيناه من الدنيا

هو اللي اختار إنه يبعد عننا جمدى قلبك زى ما قلبه جمد
ناحية أبوه وأمه .

لالا يا منير إنت قلبك حجر .

جاءت "ضحى" وأختها "أميمة" وراحا يهدئنها وعرضت عليها
"ضحى" أن توفر لها ثمن تذاكر السفر إلى أمريكا ولكن "منير" رفض
رفضاً باتاً وقال:-

الحكاية مش حكاية فلوس .


قالت فى عصبية:-

لا حكاية فلوس يا منير وأهي الفلوس اتوفرت ومش من
حد غريب من أختي حبيبي .

أنتي فاكرة إن أمريكا دى زي مصر والزقازيق
والمنصورة.. دى دنيا تانية هتروحي تدوري عليه فين وإزاي .

هحاول واللي يسأل مبتهوش .

لا يعنى لا لو عايز يشوفنا يجيلنا هي دى الأصول مفهوم



أمسكت بطفلها وألقت به إلى أمها التي نظرت إليها في اعتراض وبدأ وجه زوجها يكفهر وبدأت أعصابه تفلت منه وتفوه بالفاظ لم يتفوه بها من قبل وقال:-

● بقي انتي أم انتي..ولا أم الخلول..إيه يا وسام..في حد يرمي ضناه كدة.

لم تتراجع عن حدتها وعصبيتها وقالت:-

● أم الخلول..أم قويق..انت ضحكت عليا..قتلت طموحي وخنقتني..أنا ما انفعش أكون أم..

عابتها أمها وراحت تحايلها ولكنها بدت وكأن عفريتاً قد ركبها وخرجت من باب البيت وتصرخ في هستريا وتقول:-

● أنا راحة أكلم فريد أخويا..لازم يجي يشوف له صرفة..أنا مش شغالة ولا مربية أطفال.

نظر إلى حماته ضاغطاً أنفاسه داخل صدره وقال:-

● يعجبك كدة يا حماتي.

التزمت الصمت ورفعت الطفل "فريد" على كتفها ودخلت به إلى حجرة ما وراحت تبكي.

حضر "فريد" في المساء إلى بورسعيد وبدأ يحس بمشاكل.. مشاكل المرأة التي لم يكن يحمل لها هما أو يفكر فيها قبل أن تلدها أمها.. ظل يفكر طوال الطريق.. ماذا سيفعل حيال ذلك الأمر.. زوج أخته رجل محترم.. اختارته بنفسها على خلفية حب طفولتها وصباها.

وصل إلى البيت.. ارتقت في أحضانها وراحت تبكي.. حاول تهدئتها وحمد الله أن زوجها خارج المنزل حتى يستطيع تفهم سبب غضبها وإلحاحها على حضوره إلى بورسعيد.. تحدث مع أمه.. ألقى باللوم عليها وقالت:-

دي غلطتي من الأول.. أنا اللي دلعتها.. كنت فرحانة بإها بنت واتمتها من ربنا عشان تبقى قريبة مني.. لكن بقت زي الغول.

راح "فريد" ينظر إليها صامتا حزينا.. المرة الأولى التي يواجه فيها موقف كهذا ثم قال لهما:-

يعني انتم جاييني على ملا رشي عشان إيه.. عشان أصلحها؟!.. إذا كانت هي راكبة دماغها.. يعني أطلقها؟!.

● قال الله ولا فالك يا ابني..الموضوع ما يوصلش لكدة يا فريد.

صرخت في وجههما وقالت:-

● إذا كان ده الحل أنا موافقة إني أطلق.

فهرها قائلًا:-

● ليه ده كله..عشان ترجعي قلفطي بكلمتين في الجرنان..لا

هينقصوا القارئ ولا هيزودوه..فوقي لنفسك بقى يا شيخة.

مازالت في عصبيتها وغضبها تثرثر وتقول:-

● برضة لازم أرجع أكتب..دي حياتي يا ناس..اشمعي انت

بتكتب..تقدر تمنع نفسك عن الكتابة يا أخويا يا كبير.

● ده أكل عيش والوضع مختلف..انتي دلوقتي ست بيت

وعندك عيل وليكي زوج انتي مسئولة منه.

راحت تلطم وجهها وتلقي بنفسها على الأرض كالجنونة وأمها

تبسمل وتحوقل وتقرأ آيات من القرآن.

حضر زوجها ورحب بـ"فريد" ثم دخلا إلى حجرة الصالون وأغلقها

عليهما وراح "فريد" يطيب خاطره ويلتمس لها الأعذار وزوجها

يسمع له حتى أنهى كلامه فقال:-

يا أستاذ فريد أنا اتجوزت وسام عن اقتناع..أنا صحيح
وعندما إنها تستمر في هوايتها في الكتابة لكن الواقع فرض
علينا أن تراعى ابنها أنا بتهد في الشغل ليل ونهار عشان أوفر
لها هي و ابنها حياة كريمة.

لم يستطع "فريد" الرد أو التعليق وهو على يقين أن الرجل على حق
لكنه رجاء أن يسمح لها ولأمها بمرافقته لمدة يوم أو يومين حتى تهدأ
النفوس فوافق زوجها وقال:-

إذا كان ده هيريحها أنا معنديش مانع بس مش أكثر من
يومين ثلاثة.

وعده "فريد" بذلك وذهب ليستريح في حجرة أمه التي ظلت تبكى
طوال الليل وترجوه الأيسافر فهي لا تريد ترك ذلك المنزل والذي
يشبه بيت زوجها الذي يحمل أجمل ذكريات عمرها مما جعل "فريد"
يشعر بالضيق لعلقتها بزوجها المتوفى بقدر يزيد عن أبوه
المتوفى..شعور بالغيرة تجاه أمه يتجدد مع كبر سنها وشيخوختها التي
بدأت تظهر ملاحظها على هيئتها ومشيتها..ثم راح في نوم عميق
استعدادا للسفر في اليوم التالي إلى القاهرة.

على صرخة مدوية أستيقظ "فريد" مفزوعا فقد تركت الأم حجرهما في

الفجر ..صلت الفرض..ثم مالت على جنبها وفارقت الحياة ..فزرع زوج "وسام" وجرى "فريد" على التليفون ليتصل بأخويه وأبناء عمه..وقبل الظهر قد حضر الجميع رجال ونساء..وأعد جثمان الأم للدفن فقرر زوج "وسام" أن يدفنها مع أمه في مقابرهم ببورسعيد فثار "همام" وقال:-

● عليه يا عمنا هي مقطوعة وملهاش أهل عشان تدفن في مدافن الصدقة.

● يا همام بيه مش مدافن صدقة هتدفن مع أمى في مقابر الأسرة..إحنا عيلتنا كبيرة صعايدة ولينا عزوة.
ثار "همام" مرة أخرى وقد لاحظ "فريد" أن أغلب المعزين الذين حضروا لتشيع الجثمان من عمال هيئة قناة السويس ملاحهم الصعيدية تنم عن قسوة وقد بدوا متحفزين فهمس "فريد" في أذن "همام" قائلاً:

● دى وصيتها يا فريد إحنا مش عاوزين مشاكل عاوزين نسترها وكلها أرض ربنا.

بدأ "همام" يخفف من حدة حديثه وقال:-

● وإيه اللي يأكد أن وصيتها إنما تدفن هنا.

قال زوج "وسام" في تأكيد :

أسألوا وسام بنتها.

فسألتها "همام" فالتزمت الصمت وسرعان ما شيع الجثمان ودفنت في مدافن بور سعيد بجوار أم زوجها.

أقسام زوج "وسام" سرادقا للعزاء ضخم.. ورفض أن يأخذ أي نقود من أولادها وقال:-

ودي كانت في معزة أمي وأكثر كمان مشفتش منها إلا كل طيب يا ريت بنتها كانت طلعت زيتها.

شعر "فريد" من كل منهما أن العشرة ستكون مستحيلة بينهم خاصة بعد موت الأم التي كانت حمامة السلام التي ترفرف على حياة ابنتها وزوجها.

في وقت متأخر من الليل غادر الجميع مدينة بورسعيد بعد أداء واجب العزاء وظل "فريد" مع أخته في بيت زوجها حتى صباح اليوم التالي ثم طلب منه أن يصطحبها معه لقضاء عدة أيام في القاهرة حتى تستقر نفسياتها وتخفف من أحزانها فوافق زوجها وقال:-

بس يا ريت متأخرش أنا مش هاحدد لها أيام لكن بعد ما تحس أنها إرتاحت هنتظرها ترجع تنور بيتها.

شقة "فريد" احتوهم مرة أخرى.. كانت ترافقه مع أمه لكنها سافرت وعادت بدون أمها.. مع أبنها الذي راح ينادى "نينة-نينة" يجوب كل غرف البيت ليبحث عنها.. بكى وبكى.. قال فى حزن:-

● أنا كنت فاكراً إن أمك لا يمكن تموت كانت زي الشمس

بيننا كانت عوض عن أبويا و أبوكى لكن سبحان الله.

● متقلبش عليا المواجه يا فريد.

● المواجه عليا وعليكى سنة ألفين كلت أثنين من العيلة مرات

بسام ابن عمى و أمنا.. يا ترى مستخيلنا إيه تانى.

دامت لحظة صمت بينهما ثم قال :-

● لو قلتلك أنتي ناوية تقعدى كام يوم هتفهمينى غلط.

● أنا مش عارفة يا فريد.. بس أنا مش طايفة أرجع البيت ده

تانى.

● آمال ناوية على إيه

● بروضه مش عارفة .

● لعلملك أنا يعز عليا البلد والبيت بتاعك.. كانوا معنى جميل

فى حياتى ومش مستعد أن المعنى ده يضيع.

● أنا كمان بحب البيت والبلد.. لكن

إيه.. إتخدعتي فيه وحسييتي إن حب الطفولة والصبا وهم وإن
الجواز حقيقة بتضيع معاني بتبقى جميلة طول ماحنا بعيد عنها.
برضه مش عارفة.. سيني أرتاح النهاردة وبكرة هأقولك
وأجاوبك.

راح يتنهد فقالت :-

إنت إللي علمتني الجدل والغلبة والكتابة.

يا ريتني ما علمتك

معدش ينفع الندم.. تصبح على خير يا أخويا يا سندی يا

اللي باقيلي في الحياة.

كلماها رغم سمو معانيها وحنوها إلا أنها حيرته فقرها منه وإرتياحها
له وشعورها بالأمان معه يجعلها تستغنى عن زوجها.

في اليوم التالي فوجئ بحضور "همام" ومعه رجل يحمل عدة كراتين بها
مواد غذائية من سمن وسكر وزيت ومستلزمات رمضان من ياميش
وخلافه رحب به وقال "فريد" على استحياء:-
إيه ده كله يا همام.

● فضلت خيرك..رمضان باقيه أسبوع..وعلى فكرة الحاجات
دى مش لك دى لأخى وسام الغالية بنت المرحومة الغالية .
تأثرت "وسام" وقامت من مقعدها وقبلت جبينه فاغرورقت عيونهم
جميعا بالدموع فقال "همام" مازحا حتى يلفظ الجو:-
● على فكرة يا وسام أنا أول مرة أعرف أن جوزك أصله
صعيدى وسامحيني يا أخى إن قولتلك إن دماغه ناشفة قوى
قال "فريد":-

● ودماغها أنشف من دماغه هى شرقاوية والشرافوة ولاد عم
الصعايدة.

قال "همام" فى تردد:-

● أنا كنت جاي عشان أعزمكم على الفطار أول يوم رمضان
إنتم الاثنين ووسام بنت نجاح أخى وجوزها.

نظر "فريد" إليه متأثرا وقال :-

● وأدى رمضان السنة دى جاي وناقصنا واحد أمى إالى
كانت بتفرح باليوم ده.

قالت "وسام" فى تأثر وتلقائية :-

● أجمل أيام رمضان كانت فى بيت العيلة القديم..والجديد .

قال "همام" في حماس :-

● خلاص نقضى أول يوم في بيت العيلة

سأله "فريد" في لؤم وتمنى :-


● بس هنيقى لوحدا يا ريت يكون معانا سمير ونجاح و.....

● سمير ونجاح أه لكن بسام لا.

● خلاص خلينا في العزومة اللي هتعملها في بيتك يا ابن

عمى.

● على خيرة الله وربنا يعيده علينا بخير.



اتصل "همام" قبل رمضان بيوم واحد بأخته "نجاح" وألح عليها

لتنحضر هي وزوجها "سمير" فوافقت على الفور وأقنعت "سمير" الذي

رفض في بادئ الأمر لكنه وافق تحت إلحاح منها فقالت :-

● يبقى أخونا الكبير اللي زي أبونا موجود على وش الدنيا

ونقاطعه يا سمير.

● هو اللي عاوز كده .

<٩٩>

● إنسي بقى ده الناس الغرب المتخاضمين بيصطلحوا في الأيام
المفترجة.


سألها في لؤم :-

● ويسام و.....

● خليك في حالك .. بسام بقى واخذ جنب من يوم ما
ابتسام ماتت .. والمخفية قريبتها اللي معندهاش دم مسيطرة
عليه .. معقول تقعد مع راجل عازب لوحدهم.

● ما قولنا إحنا داخلين على شهر فضيل إذا كان عندك

كلمة حلوة قولها



جمعتهم السفارة في بيت "همام" .. خلعت وجوههم من السعادة .. يؤدون
واجب فقط .. "همام" يريد أن يصل الرحم الذي تقطعت
أوصاله .. ترك أربع مقاعد خالية وراح ينظر إليهم ويكي .. بدا ضعيفا
أمام عاطفته .. دهش الجميع لعباراته عندما نظر إلى المقاعد وقال :-
● لو رجع بينا الزمن .. كانت دي قاعد عليها عمي وسام
وأمي ومرات عمي وصباح.

<١٠٠>

انطلق المدفع..كلهم يأكلون بنقل وبدون شهية..بدا اليوم ثقيلا رغم
بركات الشهر الفضيل.

ثم قاموا وجلس كل متفاهمين في مقعدين متجاورين ..يحكون
ويعلقون..ينتقدون ويسخرون ويتمنون..وسرعان ما أمرت الليلة
وعاد كل منهم إلى بيته.

راح "فريد" ينظر إلى أخته "وسام" التي جمعت قصاقيص من الجرائد
تحمل صور "محمد هنيدي" و"محمد فؤاد" و "إيهاب توفيق"
و"مصطفى قمر" وغيرهم من جيل الشباب الذي فرض نفسه على
الساحة الفنية..بدأت تكتب مقالها فسألها "فريد" قائلاً:-

وانتي ناوية تكتبي تاني.

طبعاً ده الأمل اللي أنا عايشة عليه.

وهنتشره فيه.

في الجرنال الجديد اللي انت بتشتغل فيه.

أفهم من كدة انك مش ناوية ترجعي لجوزك.


صمتت لحظة وقال:-

مش عارفة يا فريد.

لا لازم تعرفي يا وسام..أحنا في شهر فضيل ومش معقول

جوزك يقعد لواحدة..ياللا نساfer انا كمان مشتاق لرمضان في

بورسعيد.



الأيام تمر والكل يدور في ساقية..ولى عام ألفين ودخلنا للرقم واحد
الذي يضاف إليه ليصبح ألفين وواحد..رقم واحد لا يتكرر إلا كل
ألف عام مع رقم مقفول..سيتكرر عام ثلاثة آلاف وواحد.
صراع الإنسان مع المستقبل في تكنولوجيا سريعة مجنونة لخدمة
البشرية لكن الإنسان يستغلها أسوء استغلال..كل تكنولوجيا
جديدة تأتي من إهام نظيف..ولكن سرعان ما يسكنها الشيطان الذي
يخطف سعادة البشرية في تلك الاختراعات ليحوّلها إلى
مآساة..الانترنت مثلا أصبح مجالا فسيحا لإظهار شرور
البشر..مبالغات وأفكار غير معقولة تفرض على مستخدميه..تشويه
للأديان والثوابت.

"فريد" كتب ذلك في مقاله الأسبوعي..ثم راح يدون تعليقاته على
أسرته..أسرة العم "وسام..الأم افتقدها والشقيقة تائهة هي
وابتها..همام" يجري بسرعة الصاروخ لأعمال مشروعة الجديد

حسابته اختلت..فكر أن يبيع بيت العائلة في الرقازيق فوقف له
"بسام" بالمرصاد بل وصل الأمر إلى الخاكم..كل منهما يريد الحصول
على نصيب الآخر عنوة..ثم بدأت ديونه تتراكم في البنوك التي فتح
لها الباب زوج "أميمة" شقيقة "ضحى" زوجته..الابن "وسام" مازال
أمره مجهولا على أسرته..يرسل لهم خطابات فقط..لا يعرفون عنه
شيئا سوى أنه حي يرزق..أي رزق؟!..ماذا يعمل وفي أي
شيء؟!..جعل هذا الأمر سرا بينه وبين نفسه.

"بسام" أحضر دادة لتقيم معهم لتراعي أولاده وحتى تكون كالحرم
بينه وبين "زينات" التي حصلت على الماجستير..خلافات مستمرة
بينه وبين "سمير" و"نجاح" على العمل..مما جعلهم يفكرون في فض
الشراكة وتناثر أشلاء أبناء العم "وسام" وتنقطع أوصالهم.
لم يمر عام الألفين على خير على مستوى الأسرة وعلى المستوى
العام..خاصة بعد حدوث كارثة الحادي عشر من سبتمبر..طائرات
يقودها انتحاريون تضرب برجى التجارة العالمية في أمريكا ومقر
البنتاجون فأصبح العالم على حافة حرب عالمية ثالثة..حتى تتغير
خريطة العالم بمفاهيم العولمة الحديثة.

راحت تلطم خديها وتصرخ وتقول:-


ابني وسام يا منير..ابني وسام يا اخواني..أنا حاملة انه وقع في
بير غويط..الحلم التحقق..الواد راح..الواد راح.


تمت بحمد الله

١١ رمضان ١٤٢٧ ٤ أكتوبر ٢٠٠٦

إلى اللقاء في الجزء الخامس انشاء الله

رقم الإيداع





الحبل والقارب

رواية في أجزاء

الجزء الثالث

شالله يا سيدي الغريب

رواية
مجادل القنصل